

დასავლეთი საქართველო

ს ა ქ ა რ თ ვ ე ლ ო ს პ ო ლ ი ტ ი კ უ რ ი ბ ა ტ ტ ი ე ბ ი ს ო რ გ ა ნ ო .

შ ი ნ ა ა რ ს ი :

მეთაური—ოქტომბრის მე-15 წლისთავი.
 Louis Le Fur—საქარ. და საერთაშორ. უფლება.
 ბიბლიოგრაფია.
 მ. მუსხელიშვილი—უფლება გამოყ. და უარყ...
 ბ. ველა-ველაშანია—კულტურული და პოლიტ.
 ეროვნული მოძრაობა მაკმადიანთა შორის.
 მ.—ანი—ნ ნაგებბერი.

პრესსა.
 საქართველოს ამბები.
 N.—ქართველები საფრანგეთში.
 ქართველები გერმანიაშია.
 აზერბეიჯანელთა შორის.
 უკრაინელთა შორის.
 წერილები რედაქციის მიმართ.

ოქტომბრის მე-15 წლისთავი

ბოლშევიკებმა დიდის ზეიმით გადაიხადეს თავიანთ ბატონობის 15 წელი. სანახაობა ბევრი აჩვენებს: აღლუმი, თეატრი, სინემა, აფიშა, მაშხალა... სიტყვებიც უღევი, რა თქმა უნდა, და ამაში ხომ მათ ტოლი არა ჰყავთ. მაგრამ ერთში მაინც ჩამორჩენ ძველ რომს, სადაც მოწებს, გარდა სანახაობისა, პურსაც ურიგებდნენ. და მართლაც, მიუხედავად გეპეუს სასტიკ ცენზურისა, საზღვარ გარეთ მაინც მოაღწია ცნობამ დამშუულ მუშების, განსაკუთრებით მათი ცოლების «ბუნტებისა». სწორეთ «ბრწყინვალე» ოქტომბრის დღეებში.

ან რა ზეიმზე შეიძლება ლაპარაკი, როცა მილიონები სიმშობის წინა სდგანან, როცა უკრაინაში, მაგ., კაცუამიობამ იჩინა თავი, იპარავენ ბავშვებს... დასაკლავათ? განა შეიძლება სხვა რამეზე წერა ან ლაპარაკი, როცა სიკვდილის აჩრდილი უდგას წინ უთვალავ არსებათ, არ იციან, როგორ გასტანონ ეს ზამთარი, როგორ მიაღწიონ გაზაფხულს. რას უქადის ზაფხული? მერმე, განა ამ ზაფხულში არ გაისმა საზარელი ხმა საკუთარ ხორბლის მუჟ მუჟა ქურდობისა, ამისათვის სიკვდილით დასჯისა? რომელ ქვეყანაში ან როდის წასულან ასე შორს?

ამ დროს კი ზეიმი! ბოლშევიკები «ასი პროცენტით» უსწრებენ ყველა ქვეყნის და ყველა დროის ფარისევლთ და მლიქვნელთ, მათ კიდევ ყოფნით გამბედაობა «მიღწევებზე» ილაპარაკონ, ხალხის ამაზე უტიფარი, სისხლიანი დაცინვა შეუძლებელია.

როგორია 15 წლის მათი ბატონობის ჯამი? სასოფლო მეურნეობის სრულიად განადგურება და ას მილიონ გლეხის მშრალზე დატოვება; სამრეწველო «გიგანტების» თანდათან ძირს დაშვება საკმაოდ ნედლი მასალის და გაწრთვნილ მუშა-ხელის ნაკლებობის გამო; შრომის ნაყოფიერების უმაკლითო დაცემა მშრომელის გაძვალტყავების გამო; სახალხო მოსახმარ საგნების სიძვირე, ხშირათ უქონლობა; ფულის ღირებულების განიავება და ხელ-ფასის სამათხოვრო დონეზე დასვლა.

რა შერჩა ხალხს თებერვლის რევოლიუციიდან? არაფერი, მაგრამ მას უარესიც დამართეს: აღადგინეს ბატონ-ყმობა, გლეხი მიაკრეს მიწას, მუშა—დაზვას, არც თავისუფლება, არც უბრალო განძრევა, და ზედ უთვალთვალებს ბატონი ბოლშევიკი გეპეუდან. ხმელეთის მეექვსედი ერთ ვეება საპატიმროდ აქციეს, სადაც უბრალო სიტყვის შებრუნებაც სასტიკათ ისჯება, ოჯახის წევრებს ეშინიათ ერთმანეთთან ლაპარაკის, კუდები, დაუსრულებელი კუდები, ქუჩებში ხალხი დაღვრემილი, ჩამომტირალი... და ერთიც გაუგონარი ბრძანება: ხალხი გააცინეთ, სახუმრო სანახაობა გაამრავლეთო.

აქედან «აღფრთოვანება, სიხარული» მე-15 წლისთავის გამო! მოსკოვსა და ლენინგრადშიო—გადმოგვცემს «ტასს»—ზღვა ხალხი მოაწყდა, დროშები, დაუსრულებელი პლაკატები, ინტერნაციონალი მთელი კავშირის სივრცეზე მოსკოვის საათის ნიშანზე,

წითელ ჯარებს, ტანკებს, ზარბაზნებს მოედნები ვერ იტევს, მსოფლიო რევოლუციის სარდალს სტალინს გაუმარჯოს.

როგორც ხედავთ, მოსკოვი თვალში ნაცარს გვაცრის, შეხეთ რა ბედნიერი ვართ. მაგრამ ცოტა ამაზე ადრე არ გაიგეს იქ, საზღვარ გარეთ, რა მოხდა კომპარტიის უკანასკნელ პლენუმზედ? გაერთიანებული ოპოზიცია მემარჯვენე-მემარცხენეთა, რიუტინის კონტრ-რევოლუციური შეთქმულობა», 20 მამალ ბლშევიკის პარტიიდან გაძევება, წვრილ-ფენა ბლშევიკების ახალი ეტაპები გაყინულ ჩრდილოეთი-საკენ... ტყის საჩხება.

რას მოითხოვს ოპოზიცია? კოლხოზების დაშლას, «გიგანტების» კონცესიით გაცემას, ძირს გენერალური ხაზი და მისი ავტორიო! ოპოზიცია წინეთაც ყოფილა, ბევრი ჩააქრო სტალინმა, მაგრამ ასეთი, როგორც დღეს, არც ერთი. ის მოითხოვს, არც მეტს არც ნაკლებს, «სოციალიზმის» გაუქმებას! უქმობენ კი ხუთწლედის კეთილათ დაგვირგინებას! მართლაც კონტრ-რევოლუცია, თუ ოქტომბერს რევოლუციას უწოდებთ, რაიცა სულაც არაა სწორი, უნდა იკითხოთ წინაუკმო.

ჩვენა ვსთქვით, მემარცხენენი და მემარჯვენენი გაერთიანდნენ, მაგრამ თვით ბელადნი არა სჩანან: ტროცკი და რიკოვი, სჩანან რიუტინები, კომსომოლიდან გამოსულნი. მაშასადამე, «კონტრ-რევოლუციური» სული ახალგაზრდაში შეჭრილა. ამას თან ერთვის წითელი ჯარის საეჭვო გაზმორება, სტალინის ჯიქლი ზომებს იღებენ. უმთავრესი ორია: 1) ჯარის გაწმენდა და შემოდგომის დაბევრის დროს არაპროლეტარულ და საეჭვო ელემენტების მასში არ შეშვება; 2) ორი წილი ჯამაგირი ოფიცრებს და სალდათებს. მუშებსაც წაუშატეს 30 პროცენტი, მაგრამ რას შველის ეს, როცა ფული ჩენჩად იქცა?

ევროპა-ამერიკაში არ გაისმის ესლა დამპინგის ხმა, მოსკოვს ვერაფერი გააქვს, ან ძალიან ცოტა. ხორბალი არაა, ერობ-ტყავეულობას გზაში იტაცებენ, თვით ნაფთის ექსპორტიც შემცირდა, რკინისგზები დაავადებულია, და... ხე-ტყე? ოტავის კონფერენცია ბოლოს უღებს მის გატანას ლონდონის ბაზარზედ, ინგლის-საბჭოთა საჯარო ხელშეკრულებას აუქმებს მაკდონალდის მთავრობა.

აქედან ვალიუტის სიმშლილი, ართმევენ წვრილ-წვრილათ ვისაც უტხოვითიდან მოსდის ნათესავებისაგან, აპატიმრებენ კიდევ, რომ გამოიწერონ რაც შეიძლება მეტი და, სანამ არ მოუვით, არ ანთავისუფლებენ. თვით დიპლომატიურ კარბუსს მოსკოვში მხოლოდ ვალიუტაზე აძლევენ სანთავაგს. გაგონილა?

მოსკოვი ყველას აიძულებდა მანეთზე ვაქრობას «მავარი კურსით», რაიცა მოასწავებდა ცხრა მეათედი ღირებულების მითვისებას ვალიუტაზე. დღეს კი, ის თვითონ უცხადებს უნდობლობას თავის ფულს, გინდა-არგინდა ვალიუტა ჩამოყაყეო, თუ დამალე, ნაგანის ტყვია უქნიდან... საკუთარ მოქალაქეთ, ცხადია.

მაშასადამე, საქმე თითქო მიწურულზეა, ბლშევიზმი მზათაა დაეშვას თავდაყირა, საქიროა ერთი მედგარი შერხევა ქვევიდან. მაგრამ მოვესწრებით ამას?—აი კითხვა.

რუსის გლეხობა თავისებურათ ებრძვის ხელისუფლებას, ის არ ხნავს და არ იწევს იმდენს, რამდენიც საქიროა, ან სხვა სიტყვით, საბოტაჟს მიმართავს. ბრძოლის ეს მეთოდი განსაკუთრებით გაძლიერდა წელს, გაისათ კი, როგორც სტატისტიკები ირწმუნებიან, კიდევ უფრო მკაცრ სახეს მიიღებს. სრულიად დაუჯერებელი ამბავი: გლეხობა თვითონ უმზადებს თავის თავს და მთელს სახელმწიფოს სიმშლს და სიკვდილს!

საბოტაჟის სენი სოფლიდან ქალაქზეც გადადის, ამითაც აიხსნება ის არაჩვეულებრივი «პრორივები» მრეწველობის ყველა დარგებში, რომლის შესახებ ასე ხშირათ სჩივიან დღევანდელი ბატონები, ვერც ერთი დარგი ვერ ასრულებს გეგმით დაკვეთილს, პროდუქცია ეცემა დღითი დღე.

ასეთ პირობებში განა გასაკვირია ახალი ოპოზიცია და მისი რადიკალური მოთხოვნები? კომპარტიის ხელმძღვანელნი დიდ საგონებელში ჩავარდნო—იწერება ერთი საიმედო კარესპონდენტი მოსკოვიდან—არ იციან საითკენ გაექანონ, როგორ დააღწიონ თავი კატასტროფასო; ერთი მათგანი იმასაც არ მალავს, რომ, სანამ სტალინი სათავეშია, საქმეს არა ეშველება რა, მაგრამ ვინ გადაადგებს, მშიერ-ტიტველ ხალხს ეს როგორ შეუძლია, ისევ პარტიის ხალხმა უნდა გაანგრიოს მოჯადოებული წრეო.

დიაგნოზი სწორია, სხვა გამოსავალი თითქო არ არსებობს. სტალინმა ამოწურა თავისი «ზიგზაგები», მისი დეკრეტები ოდნავაც ვერ ანელებს საშინელ ეკონომიურ და პოლიტიკურ კრიზისს. ის, რა თქმა უნდა, მზათაა კიდევ მრავალი მილიონი ხალხი შესწიროს თავის ბატონობის უინს; მის დათმობებს იაპონიის მიმართ, მეორეს მხრით ბოლო არ უჩანს, ოლონდ მასთან შეტაკება თავიდან აიცილოს.

ევროპა-ამერიკის კაპიტალიზმაც ამოწურა თავისი დახმარება «სოციალიზმის ასაყვავებლათ». რაც უნდა არ შეტკივოდეს გული, მას არ შეუძლია მეტი მისცეს, ვინემ თვითონ ღებულობს, ვაქრობა ნაღზეა თუ კრედიტზე, სულ ერთია, თუ ვერ გაგაქვს,



ვერ შეიტან, მოსკოვის წისკვილს წყალი უშრება. ამ რიგათ, ოქტომბრის მე-15 წლისთაზე ბოლშევიკებმა დაასრულეს, შეიძლება ითქვას, ქვეყნის დანგრევის და განადგურების საქმე. ჯერ არავინ გამოჩნდა, რომ ხელიდან გამოსტაცოს ამ ჯალათებს ხოცვა-ჟლეტის იარაღი, მაგრამ ეს არ ნიშნავს, რომ არ გამოჩნდება.

გლეხობის საბოტაჟი კარგს არ უქადის ჯალათებს, შეიძლება ყველაფერში სჯობნიდნენ გლეხებს, მაგრამ არა გამძლეობაში. შეიარაღებული ძალა ვერ აიტანს დიდ ხანს მისიანების ასეთ სასოწარკვეთილ ბრძოლას სოფლად, ის გატყდება, გვერდში ამოუდგება მათ, ამისათვის თვით ხელმძღვანელ წრეებში გაუჩნდება მას ბელადი.

ახალ ოპოზიციის უშუალო გამომწვევი კი მუშების უკმაყოფილებაა. მიუხედავად აუარებელ დაბრკოლებათა, მუშები გარეგნულათაც აჩენენ მას. გაფიცვები, შეტაკებანი ძალიან ხშირია ამ უკანასკნელათ, გაისხენეთ ივანოვო-ვოზნენსკი ამას წინათ, ზლატოუსკი სულ ეხლა. მუშები არ ერიდებიან ხელჩართულ ბრძოლასაც. როცა ზევით დაბნეულობაა, ქვევით ასეთი გამოძახილია ჩვეულებრივ.

არაფერი გვითქვამს საქართველოზე, სხვა ჩაგრულ ერებზე, მაგრამ მათ წილს და როლს განმათავისუფლებელ ბრძოლაში არა ერთხელ შევხებივართ აქ, ახალს ვერაფერს დავსძენთ. მათ იციან, არ შეიძლება არ იცოდნენ, რომ სანატრელი წუთი ბორკილების დამსხვრევისა მოახლოებულია.

საქართველო და საქართველოს უფლება

III.

საერთაშორისო თვალსაზრისით რუსეთის მიერ მოხდენილ ანექსიას ის ფაქტიურად შედეგი ჰქონდა, რომ საქართველომ დაჰკარგა საერთაშორისო უფლების პიროვნების ღირსება. სახელმწიფოთა წარმოშობა და გაქრობა პოზიტიურად საერთაშორისო უფლების შეხედულებით არიან მართლ ფაქტები, რომელთაც იგი აღნუსხავს მხოლოდ. მაგრამ ფრიად მნიშვნელოვანია საქართველოსთვის, რომ მიუხედავად ფაქტიურად მდგომარეობისა მან შეინახა თავისი იურიდიული სახე დამოუკიდებლობისა: სახელმწიფო შეიძლება აღარ არსებობდეს როგორც ასეთი, მაგრამ მას შეუძლია აღსდგეს და მაშინ დიდი მნიშვნელობა ექნება იმას, რომ საშუალება აქვს დაამტკიცოს თავის უფლების გაგრძელება^{*)}. მაშინ დაისმება საკითხი არა ახალი სახელმწიფოს შექმნისა, არამედ წინად არსებული სახელმწიფოს აღდგენისა, რასაც იელინეკი სრული სისწორით უწოდებს «საერთაშორისო იურიდიულ პიროვნების აღდგენას» (Das Wiederaufleben einer völkerrechtlichen Persönlichkeit).

სწორედ ეს მოხდა საქართველოსთვის. 1917 წ. ნოემბრის ბოლშევიკური გადატრიალების შემდეგ რუსეთში, უკანასკნელის ხელისუფლება საქართველოში მოისპო. საქართველო, ისე როგორც ამიერკავკასიის სხვა სახელმწიფოები, ჩამოშორდა დიდს იმპერიას. რომელიც ირღვეოდა. 1918 წ. მაისის 26 საქართველოს საერო ყრილობის არჩეულმა ეროვნულმა საბჭომ გამოაცხადა საქართველოს დამოუკიდებლობა, და ეს ამბავი ჯეროვანის წესით ეუწეა ყველა უცხოელ სახელმწიფოს.

არის აქ ჩვენს წინაშე ახალი სახელმწიფოს წარმოშობა, თუ უკეთ ხელახალი გამოცხადება სახელმწიფოსი, რომელიც 1801 წლამდის არსებობდა? იმის

შემდეგ, რაც ზემოთ უკვე განვიხილეთ, პასუხი საეჭვო აღარაა: ჩვენ საქმე გვაქვს უკვე წინად არსებულ საქართველოს სახელმწიფოს აღდგენასთან. მისი არსებობის განგრძობა ყოველთვის უზრუნველყოფილი იყო სახელმწიფოს იმ ორი არსებითი ელემენტის მუდმივობით, რომელთაც წარმოადგენენ ტერიტორია და მოსახლეობა. სრულიად სუვერენულ სახელმწიფოს შესადგენად საქართველოს აკლდა მესამე მთავარი ელემენტი სახელმწიფოსი—სუვერენული მართველობა. რუსული ხელისუფლების დამხობამ და საქართველოს მთავრობის მოწყობამ შეავსეს ეს ნაკლი და ამ რიგად საქართველოს აღდგენა, როგორც დამოუკიდებელი სახელმწიფოსი, გახდა შესრულებული ფაქტი^{*)}.

დამოუკიდებლობის გამოცხადება დაადასტურა დამფუძნებელმა კრებამ 1919 წ. 12 მარტს. ამ კრების არჩეულს კომისიას დაევალა ახალი რესპუბლიკის კონსტიტუციის პროექტის შემუშავება. 1921 წ. თებერვლის 22-ს დამფ. კრებამ მიიღო საბოლოო ტექსტი კონსტიტუციისა, რომელიც ამყარებდა პარლამენტარულ დემოკრატიულ რესპუბლიკას. საკანონმდებლო ხელისუფლება ეკუთვნოდა საყოველთაო, თანასწორ, პირდაპირ, ფართულ და პროპორციულ კენჭის ყრით არჩეულ პარლამენტს (მ. 4); აღმასრულებელი ხელისუფლება ეკუთვნოდა «რესპუბლიკის მთავრობას» (მ. 66), რომლის თავმჯდომარეს ირჩევდა პარლამენტი (მ. 67), ხოლო დანარჩენ წევრებს იწ-

^{*)} «შესაძლებელია აგრეთვე, რომ მომკვდარი სახელმწიფო ისევ გაცოცხლდეს, თუ შეკავშირების ელემენტები კვლავ შეიქმნებიან» (იელინეკი, ნაწ. 1. სახელმწიფოს საზოგადო თეორია, გვ. 440). აღდგენა პოლონეთის, ირლანდიის, ჩეხოსლოვაკიის და სხვ., რომლებიც საუკუნეზე მეტი იყვნენ უცხოელთა ოკუპაციის ქვეშ, ამ აზრს ადასტურებენ.

^{*)} Rivier, გვ. 95 და სხ.

გვედა თვით თავმჯდომარე (მ. 68); მთავრობა სოლიდარულად პასუხისმგებელი იყო პარლამენტის წინაშე (მ. 73). კონსტიტუციას გათვალისწინებული ჰქონდა აგრეთვე დამოუკიდებელი სამოსამართლო ხელისუფლება (მ.მ. 76-83). ბოლოს მეთოთხმეტე თავი ეხებოდა უმცირესობათა უფლებებს; იგი ანიჭებდა უმცირესობათ უფრო ფართო უფლებებს, ვიდრე ეს განსაზღვრულია 1919 წ. ხელშეკრულებით უმცირესობათათვის ახლად წარმომობილ სახელმწიფოებში.

საქართველოს სახელმწიფოს არსებობა შინაგანი საზოგადოებრივი უფლების თვალსაზრისით სრულებით უდავოა. რაც შეეხება საერთაშორისო საზოგადოებრივ უფლებას, 1918 წ. შემდეგ მოხდა მთელი რიგი აქტებისა, რომელთაც საბოლოოდ განამტკიცეს საქართველოს სტატუსი. ყოვლის უწინარეს საქირთა გარკვევა მდგომარეობისა რუსეთის მიმართ. უნდა აღვნიშნოთ, რომ როცა საქართველო რუსეთს ჩამოშორდა, მან ისარგებლა მხოლოდ საბჭოთა კონსტიტუცია, რომელმაც ყოფილ საბჭოთა კონსტიტუციას, რომელიც რუსეთის იმპერიის ყველა ერს მისცა სრული თვითგამორკვევის და გამოყოფის უფლება.

მაგრამ ამაზე უფრო მნიშვნელოვანია რუსეთის საბჭოთა რესპუბლიკის და საქართველოს შორის 1920 წ. მაისის 7 დადებული ხელშეკრულება. ხელშეკრულების პირველი მუხლის ძალით რუსეთმა აღიარა ყოველივე პირობის გარეშე საქართველოს დამოუკიდებლობა და სუვერენობა და უარი სთქვა სრულის ნებით ყოველ სუვერენულ უფლებაზე, რომელიც ეკუთვნოდა რუსეთს საქართველოს მიმართ. ხელშეკრულების მეორე მუხლიც არაა ნაკლებად დაბეჯითებული: «რუსეთი—კითხულობთ იქ—ემყარება ამა ხელშეკრულების წინა მუხლში გამოცხადებულ პრინციპებს და ვალდებულია დებულობს, არ ჩაერიოს არავითარ საშუალებით საქართველოს შინაურ საქმეებში».

ცხადზე უცხადესია. რუსეთმა გადაჭრით იცნო საქართველო როგორც თავისებოთ სუვერენული სახელმწიფო და იკისრა ვალდებულება პატივი სცეს მის დამოუკიდებლობას. ჩვენ მალე ვნახავთ, თუ რამდენად შეასრულა მან ნაკისრი ვალდებულება. მაგრამ მიუხედავად ამისა, რუსეთის შეხედულებით, საქართველოს იურიდიული მდგომარეობა იყო შეუვალი.

ამ ცნობის წინ და შემდეგაც საქართველო იცვნეს სხვა სახელმწიფოებმა, კერძოდ მოკავშირე სახელმწიფოებმა. საქართველოს დამოუკიდებლობა იცნო de facto 1920 წ. იანვრის 11-ს ვერსალის კონფერენციის უმაღლესმა საბჭომ, ე. ი. საფრანგეთმა, ინგლისმა, იტალიამ, ბელგიამ და იაპონიამ. იმავე საბჭომ 1921 წ. იანვრის 27-ს აღიარა ეს დამოუკიდებლობა de jure *). საქართველოს დამოუკიდებლობა იცვნეს აგრეთვე სხვა სახელმწიფოებმაც, სახელდობრ პოლონეთმა, რუმინეთმა, ლუქსენბურგმა, გერმანიამ,

ავსტრიამ, არგენტინამ, მექსიკამ, პანამამ, ჰაიტიმ, ოსმალეთმა, სიამმა და ლიბერიამ.

ნაციონალიზმის კრების პირველ სესიაში 1920 წ. განხილულ იქნა საკითხი საქართველოს მიღების შესახებ. საქართველოს დელეგაციამ სამვიდობო კონფერენციასზე, 1919 წ. 26 მაისს წარადგინა საქართველოს მთავრობის სახელით მოთხოვნა, რათა დაშვებული ყოფილიყო წვერად თანახმად ნაციონალიზმის პრინციპებისა. ამ საგნის განხილვის დროს როგორც მეხუთე კომისიაში ისე ლიგის საერთო კრებაზე არც ერთს წვერს არ გამოუცხადებია პრინციპიალური წინამდებობა საქართველოს დამოუკიდებლობის კრებამ მინც, თანახმად კომისიის წინადადებისა, გადაწყვიტა საქმის გადადება *). გადადების მოსაზრება ის იყო, რომ საქართველო, როგორც მეზობელი საბჭოთა რუსეთისა, რომელიც ნაციონალიზმის გავლენის გარეშე იმყოფებოდა, საფრთხეში იყო ჩავარდნილი რუსეთის აფრთხივობით. პაქტის მეათე მუხლის ძალით, რომელიც უზრუნველყოფს ყველა წვერის ტერიტორიის მთლიანობას და პოლიტიკურ დამოუკიდებლობას, ნაციონალიზმ ვალდებული იქნებოდა დახმარება აღმოეჩინა საქართველოსთვის განსაცდელის დროს. ხოლო ლიგას არ მოეპოვებოდა საშუალება ნამდვილი დახმარების გასწავად და ეს შეუძლებლობა ზიანს მიაყენებდა მის (ლიგის) ავტორიტეტს.

რაც უნდა იყოს წინა ამ მოსაზრებისა რომელიც შეიძლება წამოეყენებიათ სხვა სახელმწიფოების წინამდებ და არა საქართველოსი, საქირთა აღვნიშნოთ, რომ საქართველოს მოთხოვნა არ ყოფილა უკუდებული საბოლოოთ, არამედ იყო მხოლოდ გადადებული. კრების მომავალ გადაწყვეტილების მოლოდინში, საქართველოს მინიჭებული ჰქონდა უფლება, თუ ამის სურვილს გამოაცხადებდა, მიეღო მონაწილეობა, როგორც ნაციონალიზმის წვერებს, ეენევის დაწესებულების ტექნიკურ ორგანიზაციებში, განსაკუთრებით შრომის საერთაშორისო კონფერენციაში (J. O. de la S. D. N. Actes 1920. გვ. 634).

საქართველოს იურიდიული მდგომარეობა საერთაშორისო უფლების თვალსაზრისით მისი სრული დამოუკიდებლობის წლებში იყო ისევე ნათელი, როგორც შინაგან საზოგადოებრივ უფლების თვალსაზრისით, ცნობამ მრავალ უცხოელ სახელმწიფოს მიერ საქართველოს ნაციონალიზმში დაბრუნების საშუალება მისცა; იგი კვლავ განდა საერთაშორისო უფლების სუვერენული პიროვნება.

მაგრამ ეს მდგომარეობა დიდხანს არ გაგრძელე-

*) 1920 წ. 16 დეკ. გადაწყვეტილება. 23 სახელმწიფოში, რომელთაც სმა მისცეს, 10 დამოუკიდებლობის მომხრე იყო, 13 წინამდებ; 19 სახელმწიფომ თავი შეიკავა ან არ დასწრებია. Journal officiel de la S. D. N. Actes de la 1-re assemblée, 1920, გვ. 633. მხარის დამკვირვებელი იყო პროპორციულად ვიდრე ბალტიის სახელმწიფოებისთვის, რომელთა მიღების თხოვნა აგრეთვე გადადებულ იქნა, მაგრამ რომელიც დღეს ლიგის წვერები არიან.

*) თუ რა განსხვავებაა de facto და de jure-ს ცნობას შორის, ამის შესახებ ნ. ჩემი *Precis de Droit international*. № 597.



ბულა. რუსეთი წინამდებ 1920 წ. 7 მაისის ხელშეკრულებისა, რომლის თანახმად აღიარა საქართველოს სუვერენობა და უარი განაცხადა ჩარევანზე მის შინაურ საქმეებში, ხელახლა თავს დაესხა საქართველოს. 1921 წ. 11 თებერვალს რუსის ჯარები შეესივნენ საქართველოს და ცხარე წინამდებობის შემდეგ, რომელიც გაგრძელდა ხუთ კვირას, დაიკავეს მისი ტერიტორია 1921 წ. მარტის 20^{*)}. ეს ოკუპაცია აქამდის გრძელდება. ამგვარად რუსეთმა ორჯერ დაარღვია წესიერად დადებული ხელშეკრულება, დაიპყრო და დაიკავა საქართველო. და თუ ძველს იმპერიას შეეძლო 1801 წ. გაემართლებია ანექსია საქართველოს სისუსტით და მისი დაცვის საჭიროებით, საბჭოთა რუსეთს ეს არ შეეძლო, ვინაიდან ახლა საქართველოს არც ერთს მეზობლისაგან არ მოელოდა საშიშროება, თუ არა თვით რუსეთისაგან.

Louis Le Fur

საერთაშორისო ურთიერთობების პროფესორი პარიზის უნივერსიტეტში.

*) ცილობდენ დაერწმუნებით საზოგადოება (L'Humanité 1921 წ. 1 და 3 მარტის), რომ ვითომც ადგილი არ ჰქონდა საქართველოს სამხედრო ოკუპაციას რუსეთის მიერ. საქმე სხვანაირად იყო: ბოლშევიკური რევოლუცია მოხდა თვით მიწის საქართველოში და რუსეთს არავითარი აგრესიულობა არ გამოუჩინია. მაგრამ თვით საბჭოთა წყაროებიდან წარმოდგარი საბუთები აბათილებენ ასეთ მტკიცებას. არსებობს საბჭოთა მეორე არმიის სარდლის ჰეკერის ანგარიში, 1920 წ. 18 დეკემბრის რიცხვით, რომელიც ააშკარავებს, რომ საქართველოში შესევა იყო წინასწარ გამზადებული. ამ მოხსენების დასკვნაში ვკითხულობთ: «ხემა დასახლებული მოსახრებანი სრულებით იმისთვის არ მოვიტანეთ, რათა დავამტკიცოთ შეუძლებლობა შეტევისა საქართველოზე. არამედ იმის ვამბობთ მხოლოდ, რომ ეს შეტევა უნდა მოხდეს ბეჯითი მომზადების შემდეგ და დასრულდეს რაც შეიძლება მოკლე დროში» (მთავარი ადგილები ამ მოხსენებისა მოხსენებული აქვს დებუტატს რენოდელს სიტყვაში, რომელიც წარმოსთქვა საფრანგეთის პალატაში 1925 წ. 29 იანვარს). გვაქვს მეორე დოკუმენტი არა ნაკლებ მნიშვნელობისა. ტროცკიმ დასწერა 1922 წ. თავის წიგნში (იმპერიალიზმსა და რევოლუციას შუა): «ჩვენ არ გვაქვს არავითარი სურვილი დაფაროთ ან შევასუსტოთ საბჭოთა ჯარის მნიშვნელობა კავკასიის დაკავებაში». ამავე წიგნის მეორე ალაგას (გვ. 142) დასძენს: «საბჭოთა მთავრობამ გადაწყვიტა, რათა წითელი ჯარები შესულიყვნენ ამ მხარეში». ასეთი განცხადებების შემდეგ შეუძლებელია რაიმე ეჭვი იმის შესახებ, თუ როგორ მოხდა საქართველოს გასაბჭოება: მოხდა შემოსევა და არა რევოლუცია.

ბ ი ბ ლ ი ო ვ რ ა ზ ი ა

BEAUTY

a legend of Georgia

done into English for the first time

by

Belle Colby Carrington

Stendhal et Co.

Paris

გასულ თვეს პარიზში გამოვიდა ერთი ქართულ ზღაპრის ინგლისური თარგმანი, გამოცემა ფრიად მდიდრული, ხეზედ გამოჭრილი ნახატებით შემკული. ზღაპარს ჰქვია «სილამაზე», ქართულათ მას უწოდებენ «როსტომელას», რომელიც მოთავსებული იყო ჩვენი ქალების მიერ გამოცემულ ქართულ ზღაპართა კრებულში, დიდი ომის წინ.

მთარგმნელი ქალბატონი ბელ კოლბი კარინგტონი, ამერიკიდან, თვითონ ამბობს თავის მშვენიერ წინასიტყვაობაში, რომ გადათარგმნა ფრანგულიდან ჩვენი კარგათ ცნობილ განსვენებულ ბატონ დე ბანს წიგნიდან და აქ ი ზღაპარს «სილამაზე» ჰქვია.

ჩვენ მეტათ ვსთვლით მოვიტანოთ აქვე ზღაპრის შინაარსი, ისედაც ემხსოვრება ყველას, განსაკუთრებით მისი ბრძნული დედა-აზრი: უკვდავების განსახიერება სილამაზეში და სილამაზის—უკვდავებაში, ძალა მიწისა ე. ი. ხორციელ არსებობისა და სიკვდილი, როგორც მისი გარდაუვალი ბოლო.

უკეთეს ნიმუშს ქართულ სულის უცხოელთათვის გადასაშლელათ მართლაც ვერას იპოვიდა ქ-ბ კარინგტონი ამ ტყვეობის დროს ერთი წაკითხვის თანავე დააფასა მან ზღაპარი, არ შემოიღია ჩემს თანამემამულეთ არ გავაცნო ეს ობოლი მარგალიტი—სთქვა მან—და მაშინვე შეუდგა თარგმნას და გამოცემას.

წინასიტყვაობის უკანასკნელ სტრიქონებიდან გამოჰსვივის, როგორია მთარგმნელის განწყობილება ჩვენი ერისადმი, აი ესეც: «მე ვიმედოვნებ, მკითხველნი ისევე იგრძნობენ ამ ზღაპრის ეშხს, როგორც მე ვიგრძენი, აგრეთვე გამოიჩინენ იმავე ინტერესს სასახლო ისტორიის მქონე იმ უბედურს ქვეყნისადმი (ხვეით ეძახის ოქროს კერძის ქვეყანას), რომელიც აკვანია ჩვენი რასის, ევრსტიანების ზღუდე საუკუნეთა განმავლობაში გარშემორტყმულ ურწმუნოთა ურდობის წინამდებ, ერთად ერთი ქვეყანა, რომლის ჯვაროსანთ ნება ჰქონდათ გაშლილი დროშებით შესულიყვენ იერუსალიმში—საქართველო».

ქ-ბ კარინგტონმა «როსტომელას» თითო ცალი გაუზაგანა სხვადასხვა ქვეყნის მეთაურებს, დედოფლებს, პრემიერებს, საგარეო მინისტრებს, სხვა წარჩინებულ პირთ და, რამდენათ ვიცით, მოსდის მსუბუჯელე მაღლობის წერილები მათგან.

ჩვენც სხვა არაფერი დავგრჩენია, გულწრფელათ შევეუერთდეთ იმ გრძნობიერ მაღლობას, ქართველ ერის სახელით, რომელიც მას მისწერა ჩვენმა თავმჯდომარემ, ნოე ჟორდანიამ. დადგება დრო, როცა ჩვენს ერს თვით მიეცემა შემთხვევა მიიღოს თავის ბაღნარში ეს ახალი მეგობარი, უდიდეს დემოკრატიის ასული ბელ კოლბი კარინგტონი.

უფლება გამოყოფისა და უაკროფის კავკასიის კონფედერაციაში

ჩვენ დაგვჩნა კიდევ ორი უფლება შემადგენელ სახელმწიფოთა, რათა გავათავოთ განხილვა სახელოთა (კომპეტენციების) განაწილების საკითხისა კავკასიის კონფედერაციაში. ესაა გამოყოფის და უაკროფის უფლებანი, რომლებიც ყველაზე უმთავრესი არიან კონფედერაციის წევრებისათვის. ეს საკითხი ფრიად რთულია, რადგან საზოგადოთ საკონფედერაციო ხელშეკრულობანი მას არ იხსენიებენ, არ აღნიშნავენ მით უფრო, თუ რა პირობებში შეიძლება ამ უფლებების სარგებლობა ან რა იურიდიული შედეგები მოყვება მათ განხორციელებას. ჩვენ მაინც ვალდებული ვართ შევეხოთ ფედერაციების მთავარ პრინციპებს, რათა გავადვილოთ ამ დიდი მნიშვნელობის საგნების პოზიტიური გადაჭრა. ჯერ ვიკითხოთ, თუ რას წარმოადგენს უფლება გამოყოფისა და უფლება უაკროფისა? მერე უნდა განვიხილოთ მათი იურიდიული ბუნება და ის, თუ რატომ აქვთ მინიჭებული იგი კონფედერაციის წევრ-სახელმწიფოებს? ამის შემდეგ უნდა გავარკვიოთ, შეუძლიათ თუ არა კავკასიის კონფედერაციის შემადგენელ სახელმწიფოებს მიმართონ ამ უფლებათ საქირო დროს, წინამდებ ცენტრალურ მართველობისა.

I.

რა არის ბოლოს და ბოლოს უფლება გამოყოფისა და უფლება უაკროფისა? რისგან შესდგება?

უფლება გამოყოფისა არის ის, რომ სახელმწიფოთა კონფედერაციის ყოველ წევრს ეკუთვნის უფლება გამოვიდეს კავშირიდან, როცა კონფედერალურ ვალდებულებათა შესრულება ემუქრება წევრ-სახელმწიფოს სასიცოცხლო ინტერესებს.

ცხადია ესეთი განსაზღვრა სიძნელეს იწვევს. საქმე უნდა ეხებოდეს სასიცოცხლო ინტერესებს, მაგრამ რა არის სასიცოცხლო ინტერესი? შეუძლებელია სისწორით ამის გარკვევა. გვაგონდება რეზერვები, რომელიც შექონდათ, ომამდის, სუვერენულ სახელმწიფოებს საარბიტრო ხელშეკრულობაში. გამოირიცხული იყო საარბიტრო რეგლამენტიდან ერთგული ღირსება და სასიცოცხლო ინტერესები. ასეთი საარბიტრო ხელშეკრულება სრულებით არ ზღუდავდა სახელმწიფოთა მოქმედების თავისუფლებას, რადგან მუხლის გაურკვეველობა ნებას აძლევდა არა სინდისიერ სახელმწიფოს (სინდისიერი ხომ ბევრი არაა), თავი დაესწია არბიტრაჟისთვის, როდესაც კონფლიქტი მოუხდებოდათ მეორე სახელმწიფოსთან. ეს სახელმწიფო ირწინარე სარგებლობას კპოულობდენ: მრავალი საარბიტრო ხელშეკრულობის დადებით თავის მშვიდობის მოყვარებას უჩვენებდენ ქვეყნის საზოგადოებრივ აზრს და ამავე დროს სავსებით იცავდენ თავის სუვერენობას. ამგვარი ინტერნაციონალური ფარისევლობა ახასიათებდა სახელმწიფოების პოლიტიკას ომამდე. საბედნიეროთ შემდეგ მდგომარეობა გამოიკვლია. სხვადასხვა შეთანხმებებით, რომელთა შორის უფრო მნიშვნელოვანია ენევის 1928 წ. საზოგადო აქტი, ზოგადი ხასი-

ათის და გაურკვეველი რეზერვები აკრძალულია (საზოგ. აქტის მ. 39).

მაგრამ სიძნელე მართლ აქ არაა. საკითხავია ისიც: ვინ იქნება მსაჯული იმისა, რომ კონფედერალურ ვალდებულებათა შესრულება ეწინააღმდეგება წევრ-სახელმწიფოს სასიცოცხლო ინტერესებს? ისინი, რომლებიც წევრ სახელმწიფოს გამოყოფის უფლებას იცავენ, ამბობენ, რომ ეს მსაჯული თვით დანტერესებული მხარე უნდა იყოსო. გამოდის, რომ სახელმწიფო, რომელიც ცთილობს გაექცეს თავის ვალდებულებათ, თვითონ უნდა იქნეს თავის საქმის მსაჯული. ასეთ შემთხვევაში კარი გაუღებოდა ყოველ თვითნებობას და მავნებელ გადაწყვეტილებებს.

უფლება უაკროფისა არის უფლება კონფედერაციის წევრისა, უაკროფს ცენტრალურ მართველობის გადაწყვეტილება, როცა ეს ეწინააღმდეგება წევრის არსებითს უფლებებს ან გადაემეტება ცენტრალურ ხელისუფლების კომპეტენციას.

ეს უფლება კიდევ უფრო მეტს სიძნელეს იწვევს. ყოვლის უწინარეს რაა სუვერენულ სახელმწიფოების არსებითი უფლებანი? ამ ცნებას შეიძლება ძალიან ფართო განმარტება მისცეს ყველამ, ვისაც ეს დასჯირდება. სახელმწიფოთა არსებითი უფლებათა საკითხი ფრიად ცნობილია საერთაშორისო საჯარო უფლებაში. ამ უფლებათა შორის გულისხმობენ არსებობის და კანონიერი განვითარების უფლებას, თანასწორობის უფლებას, ვაჭრობის უფლებას და სხ. ცხადია, თუ სახელმწიფო კეთილსინდისიერად არ მოიქცა, შეუძლია ბევრი რამ ამოაფაროს არსებითს უფლებას, რათა გააბათილოს ცენტრალურ მართველობის გადაწყვეტილება.

რაც შეეხება ცენტრალურ მართველობის მიერ საკონსტიტუციო კომპეტენციის გამამეტებას, რასაც შეიძლება ხშირად ექნეს ადგილი, ამის გარკვევა რომ იმათვე მივანდოთ, რომელთა სუვერენობას ცენტრალურ ხელისუფლების გადაწყვეტილება ვითომც ზღუდავს, მაშინ ჩვენ ისეთს სასიკვდილო ჭრილობას მივაყენებთ საკონფედერაციო კავშირს, რომ ძნელად თუ გამომთელდებოდა.

II.

ამ ორი უფლების განსაზღვრის შემდეგ ცხადი ხდება, თუ რამდენად სახიფათოა მათი სარგებლობა კონფედერაციის არსებობისათვის. კერძოობის მომხრე სახელმწიფოს ყოველ წუთს შეუძლია მიმართოს ამ იარაღთ, რათა უკუაქციოს ცენტრალურ მართველობის ყოველი ინიციატივა და შებორკოს მისი მოქმედება. ილუზიასაც ნუ ვიკონიებთ: სახელმწიფო იმ მიმართავენ ამ საშუალებას ყოველთვის, როგორც კი მოითხოვს ამას მათი ინტერესი, ვინაიდან როდესაც კოლექტივს ანიჭებენ არა გარკვეულ კომპეტენციას, იგი ინსტინქტურად ცთილობს ფარგლის გაფართოვებას. ნუ დავივიწყებთ, რომ ყოველს კოლექტივს მართავენ ადამიანები, რომელნიც სრულიად უნაკლონი არ არიან.

მაშ როგორ უნდა მოვიქცეთ, როცა წევრს—სახელმწიფოებს ეკუთვნით ეს ორი უფლება, რომელთაც შეუძლიათ კონფედერალური კავშირის დაშლა



და დარღვევა? ეს ხომ გამომდინარეობს პირდაპირ მათი სუვერენობის თვისებისაგან. სუვერენობა კი ისეა გაგებული—ეს უკვე განვიხილეთ—რომ მათ ნება აქვთ თვით განსაზღვრონ თავისუფლად საკუთარი კომპეტენცია, მიიღონ საბოლოო გადაწყვეტილება—ნი სახელმწიფოებრივი მოქმედების ყოველ დარგში. სუვერენობა უმაღლესი ხელისუფლებაა, უკონტროლო და შეუზღუდველი. ამ შემთხვევაში ბუნებრივია გამოყოფის და უარყოფის (ნულიფიკაციის) უფლებანი მივაკუთვნოთ აღნიშნულ სუვერენობით მოსილ სახელმწიფოებს. ისინი იქნებოდნენ თავის კომპეტენციის ბატონები, შეუძლიათ მათი შეზღუდვა, თუ მოსიურებდნენ; და—აქედანვე გამომდინარეობს ლოლიკურად—თვით ისინი გარკვევდნენ, იქნებოდა თუ არა პატივდებული შეზღუდვა ცენტრალურ ხელისუფლების მიერ, რომელიც ბოლოსდაბოლოს ხომ მათი შექმნილია.

და ვერაფერია ხელმოწერილი ვალდებულება ვერ აიძულებდა მათ განუსაზღვრელად. ეს მართალია, რადგან გამოყოფის უფლება არის გამოყენება დებულებისა *rebus sie standibus*, რომლის სრული ფორმულა ამბობს: *omnis conventio interpretatur rebus sie standibus*, ე. ი. ხელშეკრულება ფასობს იმდენად, რამდენად გარემოება შეუცვლელია. თუ დადებული ხელშეკრულება ახალ ვითარებათა გამო განსაცდელში აგდებს სახელმწიფოს არსებობას და დამოუკიდებლობას, მას აქვს უფლება უარი თქვას ხელშეკრულებაზე, მაგრამ განსაზღვრულ პირობებში მხოლოდ.

III.

ჩვენ ვხედავთ, რომ ძირი ამ ორი არსებითი უფლებისა უნდა ვეძიოთ სუვერენობის იდეაში. ხოლო ამ იდეამ ომის შემდეგ ღრმა ცვლილება განიცადა. მე არ დაფიქრებდები ამ მნიშვნელოვან საკითხს, რომელიც წინა წერილში უკვე განვიხილე (იხ. «დამ. საქ.» № 76). გავიხსენებ მხოლოდ რომ წინათ თუ აბსოლუტური და საზღვარდაუდებელი ცნება იყო სუვერენობა. დღეს იგი უკვე განსაზღვრულია და შედარებითი და ნიშნავს მარტოდონ სახელმწიფოს დამოუკიდებლობას საერთაშორისო უფლების ფარგლებში. სახელმწიფო ყოველთვის თავის გადაწყვეტილებათა უფალია, მაგრამ სფერო, სადაც მას შეუძლია საბოლოო გადაწყვეტილება მიიღოს, ამიერიდან შემოფარგლულია საერთაშორისო უფლებით.

სუვერენობის ცნების ამგვარი გარდაქმნა გვაგალობს გადავსინჯოთ ის ლოლიკური შედეგები, რომლებიც მოსდევნენ გამოყოფის უფლებას და უარყოფის (ნულიფიკაციის) უფლებას. ეს შრომა, რამდენადაც ვიცი, ჯერ არავის შეუხრულებია. მაგრამ საკმარისი არაა ორ დასახელებულ უფლების გადასინჯვა და მათი შეთანხმება თანამედროვე საერთაშორისო უფლებასთან. ჩვენ არ შევეცდებით აქ საზოგადო საერთაშორისო უფლებას. ჩვენი მიზანია—კავკასიის კონფედერაციის პაქტის გარჩევა. გვინდა შევუთანხმოთ ხსენებული ორი უფლების სარგებლობა პაქტის კონკრეტულ დებულებათ.

დავიწყოთ გამოყოფის უფლებებიდან. უკვე გვქონდა შემთხვევა აგენიზნა, რომ ამ უფლების სარგებ-

ლობა არის ცნობილი *rebus sie standibus*-ის გამოყენება. ამ მუხლის არსებობას არ უარყოფს თანამედროვე საერთაშორისო უფლება. ხოლო საკმაროდ მოწესრიგებული არაა. არის ერთი პრეცედენტი, რომელიც უნდა გავიხსენოთ: ნაციათა ლიგამ მისცა თავის წევრებს უფლება გასვლისა ორი წლის შემდეგ (პაქტი I მუხ.). ეს გასვლის უფლება არსებობს აგრეთვე შინაგან უფლების ასოციაციებში—მაგ. პროფესიონალურ სინდიკატებში. გასვლის უფლება ნორმალური წესითა როგორც საერთაშორისო ისე საშინაო უფლების.

კავკასიის კონფედერაციის პაქტი არ შეიცავს არავითარ დებულებას, რომელიც უკრძალავდეს წევრებს თავისუფალ გასვლას კავშირიდან. აქედან არ უნდა დავასკვნათ, რომ სახელმწიფოებმა ამ უფლების სარგებლობის უარი სთქვეს, ვინაიდან გამოყოფის, გასვლის უფლება საერთო წესითა, ხოლო არ გასვლის ვალდებულება—გამონაკლისია. გასვლის უფლების უარისთქმა არ შეიძლება ვიგულისხმობთ, იგი გადაჭრით და გარკვევით უნდა იყოს გამოთქმული პაქტში.

საზოგადო საერთაშორისო უფლება და კავკასიის პაქტიც სცნობენ, რომ შემავალ სახელმწიფოებს შეუძლიათ დასტოვონ კავშირი. მაგრამ ეს უფლება აბსოლუტურია? არ სჯირია მას არავითარი შეზღუდვა, მოწესრიგება? ესაა არსებითი საკითხი და ამის პასუხის გასაცემად უნდა გავიხსენოთ კავკასიის პაქტის მთავარი პრინციპები და მიზანი, თუ რისთვის იყო იგი შემუშავებული. კავკასიის პაქტმა მიზნად დაისახა კონფედერაციაში შემავალ სახელმწიფოების დამოუკიდებლობის განმტკიცება და საერთო კეთილდღეობის წარმატება. პაქტის არსებაა თანამშრომლობა და კოოპერაცია; ესაა ერთობის ნებისყოფა და არა განცალკევების. ხოლო თუ ჩვენ მივანიჭებთ წევრ-სახელმწიფოებს თავისუფალ გამოყოფის უფლებას, ეს წინააღმდეგობადა პაქტის მიზანს და მის არსებას. და მიზანი და არსება კი დაჟინებით მოითხოვს, რომ სახიფათო უფლებას საზღვარი დაედვას. მე ვერ შევუდგები გამოყოფის უფლების მოწესრიგების დეტალების განხილვას; დავკმაყოფილებდი ორი შემდეგი დებულების აღნიშვნით: 1) ყოველ წევრ-სახელმწიფოს მხოლოდ იმ შემთხვევაში შეუძლია მიმართოს გამოყოფის უფლებას, როცა კავშირის გაგრძელება მეტად ვნებს ან კიდევ უფრო, აშკარა საფრთხეში აგდებს სახელმწიფოს არსებობას და დამოუკიდებლობას და 2) ამ ფაქტის გარკვევა არავითარ გზით არ უნდა მიენდოს თვით ამ სახელმწიფოს, არამედ უნდა გადაეცეს დამოუკიდებელ ორგანოს, როგორცაა კონფედერაციის უმაღლესი სასამართლო. ცხადია, სასამართლოს დადგენილება სავალდებულო უნდა იყოს დაინტერესებულ სახელმწიფოსთვის. ილუზიას ნუ ვიქონიებთ, შესაძლებელია საქმეები სულ სხვანაირად დატრიალდეს სინამდვილეში. შესაძლებელია, თუ გამოყოფის საკითხი დაისვა, იგი გადაწყდეს იარაღით და არა იურიდიული საშუალებით. მაგრამ ჩემ მიერ დასახელებულ წესებს ის მნიშვნელობა აქვთ, რომ არკვევენ პასუხისმგებლობას, და ეს კი საყურადღებოა.

რაც შეეხება უარყოფის (ნულიფიკაციის) უფლებას, მისი გადაჭრა კიდევ უფრო მარტივია. ისე როგორც ნაციონალიზმის უდაწყვეტილება მისი კომპეტენციის ფარგალში გადაწყვეტილება შესასრულებლად და არც ერთს არ შეუძლია თავის არსებითი უფლების გამო უარყოფა, ასევე კავკასიის პაქტის მეთერთმეტე მუხლის მეოთხე პარაგრაფი ამბობს, რომ საბჭოს მიერ მიღებული გადაწყვეტილება საკონფედერაციო ხელისუფლების კომპეტენციის ფარგალში, სავალდებულო კონფედერაციაში შესულ სახელმწიფოებისთვის. ეს გადაჭრილი და იმპერატიული დებულება ადვილს არ აძლევს რაიმე გაუგებრობას.

მაგრამ როგორ მოვიქცეთ, თუ გვეჩვენება რომ საკონფედერაციო ხელისუფლებამ თავის გადაწყვეტილებით გადაამეტა თავის კომპეტენციას? აქვთ თუ არა თვით შემავალ სახელმწიფოებს უფლება ამ გადამეტების გარკვევისა და მით ცენტრალურ მართველობის გადაწყვეტილების უარყოფისა? რასაკვირველია არა! რადგან ეს იქნებოდა წინამდებელი პაქტის მე-13 მუხლის მეორე პარაგრაფისა, რომელიც განსაზღვრავს საკონფედერაციო სასამართლოს კომპეტენციას და ამბობს: «საკონფ. სასამართლო განიხილავს ყოველ დავას საკონფედერაციო ხელისუფლებასა და კონფედერაციაში შესულ სახელმწიფოთა შორის». ეს ტექსტი ზოგადად არის შედგენილი: საკონფედერაციო სასამართლო განიხილავს ყოველ დავას, მათ შორის იმასაც, რომელიც შეიძლება ჩამოვარდეს ცენტრალურ ხელისუფლებასა და წევრ-სახელმწიფოებს შორის პაქტის გაგების გამო. შემავალი სახელმწიფოები უიარაღონი არ არიან ცენტრალურ მართველობის წინამდებელ-მათ შეუძლიათ დასვან საკითხი უკანასკნელის გადაწყვეტილებათა არაკანონიერობის, მაგრამ ამის გადაჭრა არ შეუძლიათ საკუთარის ნებით, არამედ უნდა მიმართონ საკონფედერაციო სასამართლოს, რომელიც არის არბიტრი მათსა და ცენტრალურ ხელისუფლებას შორის.

ხემა ნათქვამის მიხედვით უარყოფის (ნულიფიკაციის) უფლება გადაჭრით უნდა აეკრძალოს კავკასიის კონფედერაციის წევრებს, ყოველ შემთხვევაში მისი უშუალო სარგებლობა. რაკი ხელს აწერენ პაქტს, ვალდებულნი არიან პატივი სცენ ცენტრალურ მართველობის გადაწყვეტილებას და შეუძლიათ მხოლოდ გასაჩივრება საკონფედერაციო სასამართლოს წინაშე. რაც შეეხება გამოყოფის უფლებას, ეს უფლება შემავალ სახელმწიფოებს ვერ წაერთმევათ, ხლო მისი სარგებლობა უნდა ჩაყენებულ იქნეს მკაცრ პირობებში.

ესეთი შეზღუდვა წევრ-სახელმწიფოების უფლებათა არ წინამდებელია მათ სუვერენობას, რომელიც არსებითად შედარებითია იმდენად, რამდენად მას განსაზღვრავს საზოგადო საერთაშორისო უფლება და მერე კავკასიის კონფედერაციის პაქტი.

მის. მუსხელიშვილი,

კულტურული და პოლიტიკური

გლოვით დაბურულ ცის ქვეშ—აოხრებულ მიდამოებში, სად რუსის ჩექმა თელავს და სრესს,— უცხო ნამგალი სერავს და სჭრის, უცხო ჩაქუჩი ულმობლათ სცემს, უცხო ხიშტები სხხვრეტს, ანადგურებს, ბორკილთ ხმაური ედინება წამებულ მხარეს—ამგვარ ბედიდან გამოსავალს დაეძებს შეწუხებული ქართული სული დაპყრობილ საქართველოში!

როდემდის გასტანს ვაების დღენი ქართველი ხალხის? როდის ჩამოჰკრავს დიადი ზარი დაბორკილ ქვეყნის აღდგენის, დამოუკიდებელი კულტურის და თავისუფალ ეროვნული განვითარების?

ყოველი ფიქრი დღევანდელ ქვეყნარბიტი ქართველის, ყოველი მისი მოძრაობა და ნაბიჯი, სუნთქვა და ამოძახილი, ყოველგვარი მოვლენა დაპყრობილ ქართული ცხოვრების, ატარებს ელფერს გამუდმებული ტანჯვის და ბრძოლის. გამუდმებული ლტოლვის და ნატვრის დაქრილი სულის გასამთელებლათ!...

ჩვენი ეროვნული კულტურა ძარღვების ოპერაციას განიცდის—მისი საშინელი დოსტაქრის—შემოჭრილი უცხო მტრისგან საქართველოში, რომ ქართული კულტურის ძარღვები—შემოტანილი უცხო ძარღვებით შესცვალონ და შიგ უცხო სისხლი ადინონ—გადაგვარების მასაზროვებლათ!

დაპყრობა გრძელდება და დამოუკიდებელი ქართული კულტურა ან საესებით მახინჯდება, ანუ საესებით ისპობა.

აღზრდა—არა ეროვნული,—არამედ უცხო, — კომუნისტური. ლაპარაკი—ქართული, ფიქრი კი უცხო—რუსული! ქართული ბავშვები და მოსწავლე ახალგაზდობა რუსულ კომუნისტის თითიყუშებში, ქართული სკოლა—მათი გალიები! ქართული წიგნი, პრესა: მხოლოდ ქართული ანბანი,—შინარსი, აზრი, მასალა—უმთავრესათ კომუნისტური! ქართული უნივერსიტეტი, ქართული მეცნიერება—დარბეული და შეგინებული, ქართული ლიტერატურა—რუსული კომუნისტის ნაკარნახევი! ქართული სახის და სულას დარბევა, დამახინჯება, გადაგვარება.

უცხო კულტურა და პოლიტიკა თავს ესმის ქართულს: კულტურულს და პოლიტიკურს—და ერი ბრძოლით თავს იცავს! ეროვნული კულტურა და პოლიტიკა უპირდაპირდება უცხოეს, გარეშეს! პოლიტიკა კულტურაში, კულტურა პოლიტიკაში!

ამ პირობებში დგება საკითხი: შესაძლებელია ჩვენთვის დღეს კულტურული ბრძოლა პოლიტიკის გარეშე? საქართველოს დღევანდელი ვითარება ცხადია. ამ კითხვანუ ამგვარად უპასუხებს: არა, არ არის შესაძლებელი!

როცა მსოფლიო ომი ქვეყნას განადგურებით ემუქრებოდა და პოლიტიკამ განსაკუთრებული ძლიერება მიიპყრო—ჩვენ ვიცით—გერმანიის მეცნიერებმა პროტესტი განუცხადეს მოწინამდებელ მებრძოლ ქვეყნებს—ჩვენს მეცნიერებს არ გასარგებლებთო!... დიახ, სამწუხაროა ასეთი მოვლენა საერთოთ, რომ ყოვლად თავისუფალი—დამოუკიდებელი მეცნიერება პოლიტიკაში ერევა, მაგრამ, ცხადია, მდგოა



მარეობა შეგნებას კარნახობს მაშინ, როცა ერი განსაკუთრებულ მდგომარეობას განიცდის, ან რაიმე საშიშროება მოელის,—ამიტომ, ვამბობთ ჩვენ, ვერ არიან მართალნი ისინი, რომელნიც დღეს, როცა ჩვენი კულტურა და მთელი ერი დაპყრობილია—მტრის წინააღმდეგ ხელჩართულ ბრძოლაშია, გვეუბნებიან: კულტურა პოლიტიკის გარეშე. კულტურა —პარტიათა გარეშე, კულტურა დამოუკიდებელი და ხელუხლებელი და სხვა...—ამგვარი მშვიდობიანი საქმიანობა—შესაძლებელია, ცხადია, ერის მშვიდობიან პოზიტიურ ხანაში, მაგრამ დღეს, ვიცით, პოლიტიკურ ბრძოლას საქართველოში უაღრესი პირველი ადგილი უჭირავს, პირველ რიგში დღეს პოლიტიკური საკითხია გადასაჭრელი, და კულტურული მუშაობაც, ცხადია, უაღრესად პოლიტიკურს უკავშირდება.

ეროვნული კულტურული განვითარება და აყვავება შესაძლებელია მხოლოდ განსაზღვრულ პოლიტიკურ პირობებში. დამოუკიდებელი დემოკრატიული საქართველოს აღდგენა და განმტკიცება—ერთი-ერთი საფუძველია და გარანტია ეროვნული კულტურის შესაძლებლობის.

მიუხედავთ ციხე-კედლების, რომლითაც შეზღუდულია დაპყრობილი საქართველო, მისი კულტურა, მისი რწმენა და აზრები,—ჩვენი ხალხი მაინც სტოცხლობს, მოძრაობს და ჩვენც მისი გზები და მიზნები გვიზიდავს. ყველა ქვეშაირი ქართველი დღეს, ცხადია, შეგნებით ატარებს გარდუვალ ფიქრს,—ფიქრს საქართველოს აღდგენის, მისი პოლიტიკური დამოუკიდებლობის, და ეს უაღრესათ მთავარია დღეს და ამას მოყვება ჩვენი კულტურული თავისუფლებაც. ჩვენ ვერ უარვყოფთ, რომ ჩვენი კულტურული მუშაობა დღეს თუ გინდ წმინდა აკადემიური, შესაძლებელია და სასურველიც, მაგრამ, როგორც ვთქვით, განსაკუთრებულ ჩვენს პირობებში, გვერდს ვერ აუვლის პოლიტიკას, პოლიტიკას ის ვერ აცდება.

ყველა კულტურული მოვლენები: სკოლა, პრესა, ხელოვნება, ლიტერატურა, მეცნიერება, ისტორია—ყველა ჩვენი არსებული ორგანიზაციები არიან მიზანი და საშვალეობაც ბრძოლაში—საქართველოს დამოუკიდებელ პოლიტიკურ აღდგენისათვის. წმინდა პოლიტიკურ ბრძოლას ესეც დაემატება და გაძლიერებულ ტემპით მიზნის მიღწევას დაგვიანდებებს.

სანამ არსებობს მოძალადეთა თარეში ჩვენში, არსებობს ქართველი ხალხის განუწყვეტელი ბრძოლა მათ წინააღმდეგ. ქართველ ხალხთან ერთათ დაპყრობილია ყველა პოლიტიკური ქართული პარტია და მიუხედავთ დევნა-წებების, ბრძოლას განაგრძობენ ისინი. მტრის წინააღმდეგ თავისუფალი ბრძოლის ასპარეზი, რომლითაც აშკარადდება დამპყრობლების მკაცრი სახე მსოფლიოს დასანახავათ და გასაგონათ,—თავისუფალი სიტყვით, პრესით, კრებებით და მოქმედებით—არის ქართველი ემიგრაცია უცხოეთში და ამ მხრივ ის უსათუოთ, მტრის წინააღმდეგ ბრძოლაში, ქართველ ხალხს უდაო დახმარებას უწევს.

ასეთ ეპოს არსებობს საერთო ნიდავი მტრის წინააღმდეგ—ქართველი ხალხის მიერ შექმნილი,—ერთათ ერთი პარტია—პარტია საქართველოს აღდგენის—ეროვნული ბრძოლის ფრონტი და მისი ხელმძღვანელი ეროვნული მთავრობა, რომლის გარშემო დღეს თავს იყრის ემიგრაცია. არ არსებობს სხვა ძალა დღეს გარდა საერთო ფრონტისა და არც შეიძლება არსებობდეს, ვამბობთ ჩვენ, სხვა უფრო რეალური და გამოსადეგი—დღევანდელ ჩვენ არსებულ განსაკუთრებულ პირობებში, რომელსაც შეეძლოს მეტის სინმდვილით ჩვენი საქმის ხელმძღვანელობა. და აი ამ ჩვენს ისტორიულ საბედისწერო მომენტში ქართველი ხალხის მკვიდრი ძახილი მიტომაც გაისმის: განდევნა მტრის, საქართველოს განთავისუფლება! მოუწოდებს ყველას—საერთო ბრძოლის ფრონტში. ვინც ისმენს მის მშობლურ ძახილს, ეტანება მის მშობლურ სიყვარულს, მის ლტოლვას და მიზნებს დიად საქმისთვის.

ქვეშაირი ქართველი დღეს ამ საერთო ბრძოლის ფრონტს ვერ განშორდება, თუ შორდება და ქართველი ხალხის ფრონტის გარეშე საკუთარ ფრონტებს აარსებს, საერთო საქმის წინაშე დანაშაულს ჩადის.

საქართველოს ეროვნულ პოლიტიკური თავისუფლების აღდგენა და განმტკიცება... ამ ერთათ ერთ დიად მიზანს ემსახურებიან დღეს ყველა ჩვენი მებრძოლი ძალები—პოლიტიკური და კულტურული! ცეცხლში განხვეული ქვეყნის გადასარჩენათ—საერთო გზით ბრძოლა საერთო გიმარჯვებამდის მიგვიყვანს!.

ბ. გელა-გელაზანია.

ბერლინი.



ეროვნული მოძრაობა მაჰმადიანთა შორის

ნაციონალიზმი.

გრძობა ეროვნობისა ახალ დროთა ერთი დიდი ძალთაგანია, მან იმდენად შეუცვალა სახე ევროპის ვითარებას მე-19 საუკუნის განმავლობაში, რომ ამ უკანასკნელს ეროვნებათა საუკუნის სახელი დაერქვა, ხოლო ნაციონალიზმი ეხლა მთელ ქვეყნიერებასაა მოდებული და ჯერ კიდე დიდი ცვლილებანია მისგან მოსალოდნელი.

ბუნებრივია ამიტომ ვიკითხოთ, რა არის ნაციონალიზმი. ბევრი თეორია შექმნილა მის გამოსარკვევად. ზოგი ამტკიცებდა მის იგივეობას ენასთან, ზოგი კულტურასთან, ზოგი კიდე პოლიტიკასთან, რჯულთან და სხვ. თქმა არ უნდა, ყველა ამ მოვლენას შეუძლია შექმნას ან ხელი შეუწყოს ეროვნულ შეგნების გაჩენას, ოღონდ თვით ნაციონალიზმი ამ მის შემადგენელ ელემენტებზე დიდი რამ არის. ნამდვილად ნაციონალიზმი არის გონების ერთნაირი ყოფა,—ნაციონალიზმი არის ადამიანთა საქმარისად დიდი რიცხვის მიერ გაზიარებული რწმენა, რომ ისინი ეროვნებას წარმოადგენენ; ეს არის ეროვნულ ერთობის გრძობა.

ყველაფერი ეს იმდენად ცნობილია, რომ ჩვენ მხოლოდ იმ განსხვავებას მივაქცევთ ყურადღებას, რომელიც ეროვნულსა და რასულს შორის არსებობს. ამ ორ მცნებას ხშირად ურევვენ ერთმანეთში, მაშინ როდესაც მათი საგნები სრულებით სხვადასხვაა. ეროვნება ფსიქოლოგიური წარმოდგენაა, რასა კი ფიზიოლოგიური სინამდვილე, რომელიც შეიძლება მეცნიერულად იქნას დამტკიცებული. ამრიგად რასა ნიშნავს იმას, თუ რას წარმოადგენდნენ ხალხები სინამდვილეში ანტროპოლოგიურად, ხოლო ეროვნება, თუ რანი არიან ხალხები პოლიტიკურად, მათისავე რწმენით.

ახირებული რამ ხდება. უეჭველია, რომ რასულსა და ეროვნულს შორის ძირითადი და უფრო მნიშვნელოვანი მოვლენაა პირველი, მიუხედავად ამისა რასას ნაკლებ ყურადღებას აქცევენ, ეროვნული მომენტი კი უღრმესად ადევლებს ყოველ ადამიანს. ეს უნდა აიხსნებოდეს იმით, რომ რასის ნამდვილი ბუნება და მნიშვნელობა სწავლულებმა სულ ნახევარი საუკუნეა რაც გამოარკვიეს, ოღონდ მაშინაც კი, როდესაც რამე ახრი დამტკიცებულია მეცნიერულად, მის შეთვისებას ხალხის მიერ დიდი დრო სჭირდება და მის პრაქტიკულ სახელმძღვანელოდ გამოყენებას კიდე მეტი.

ერთის სიტყვით, დღევანდელ პოლიტიკურ ცხოვრებაში გაბატონებულია უფრო ნაციონალიზმი, ვიდრე რასა; ამიტომ პრაქტიკულად პოლიტიკას ის კი არ სწყევტს, თუ რაც ნამდვილად არიან ადამიანები, არამედ ის, რაც ჰგონიათ ვართო.

ამის მაგალითია უკანასკნელი ომი. საზოგადოდ მასში ხედავენ რასულს ომს. შემცდარი ახრია. ევროპაში მოზინადრე სამი რასა იმდენად დაქსაქსულია და ერთმანეთში არეული, რომ ევროპაში არ მოიძვრება ერი, ორის რასის სისხლი არ ჰქონდეს შერეული, და დიდ უმეტესობას ხომ სამივე რასის სისხლი სდის ძარღვებში. ამიტომ დიდი ომი რასული კი არ იყო, არამედ სისხლით მონათესავე ხალხთა შორის შინაური ომი.

მაგრამ ევროპიელთა უმრავლესობას სჯერა, რომ სხვადასხვა რასისანი არიან, სჯერათ რასა ტევტონური, რასა ლათინური, სლავიანური, ანგლო-საქსონური. ასეთი რასები არ არსებობენ. ევროპიელს შეუძლია კიდევ შეიგნოს ეს ახრი, მაგრამ გულში მაინც ერთი ლათინად სთვლის თავის თავს, მეორე ტევტონად და სხვ.

ადამიანს ეუცხოვება პირველ დანახვაზე, რომ დღევანდელ ევროპაში გაბატონებულია თითქო რასის იდეა, ნამდვილად კი რასას არავითარი მნიშვნელობა არ აქვს. მაგრამ ადვილი გასაგებია, ევროპის დიდი ძალა იყო ნაციონალიზმი, იმდენად დიდი, რომ, გაჩნდა თუ არა რასის იდეა, ნაციონალიზმი დაეპატონა და თავის საჭიროების დაგვარად გარდაქმნას. სულ უკანასკნელ დრომდე ნაციონალიზმი იყო კულტურის, ენისა და ისტორიულ წარსულის იგივეობაზე აშენებულ ერთობის მძლავრი წარმოდგენა. ასეთი შეხედულება საგნებით უდგებოდა წინანდელ სინამდვილეს. ახალმა დრომ კი გააფართოვა პირიზონტი და მასთან ეროვნულის მნიშვნელობაც გა-

ფართოვდა. ეროვნულმა მოინდომა ესლა ყოფილ, რაც უნდა შორეული ყოფილიყოს, ენით თუ კულტურით ნათესავის თავის კალთის ქვეშ შეკრება. საჭირო გახდა ახალი სახელის გამოერვნება; გამოიყენეს ამისთვის მცნება «რასა» და შექმნეს ისეთ რასების სახელები. რომელნიც არ არსებობდნენ.—პანსლავიზმი, პანგერმანიზმი, პანანგლიციზმი და სხვ. ნამდვილად კი ეს არის გაფართოებული და დღევანდელ პირობების დაგვარად მოკანმული ნაციონალიზმი.

ასეთმა გაფართოებულმა ნაციონალიზმა ჯერ ევროპის დიდ ხალხებში იჩინა თავი, მაგრამ მალე სხვა ხალხებსაც მოედო და გაჩნდა პანელენიზმი და სხვ.

ამასობაში, მე-19 საუკუნის მეორე ნახევარში აზიაში გაჩნდნენ მოძრაობანი: «ახალგაზდა თურქი», «ახალგაზდა ეგვიპტე» და სხ., რომელნიც პირვანდელ ეროვნულ აზრს გამოხატავდნენ. ამ საუკუნის დასაწყისში კი აზიის ხალხებმაც შეითვისეს გაფართოებული, რასულის სახელით მონათლული ნაციონალიზმი, და იქაც გაჩნდა ახალი მცნებანი: პანთურანიზმი, პანარაბიზმი და—რაცა სრულებით გასაოცარია—გაჩნდა «პანისლამური ნაციონალიზმი».

1. მე-19 საუკ. ისლამური ქვეყნიერება თითქმის მოკლებული იყო შეგნებულ ნაციონალიზმს. არსებობდა ერთგულება თემისადმი, არსებობდა დინასტიური გრძნობა, როგორც მაგალითად თურქების ერთგულება მათის ფაღიშაპებისადმი. არსებობდა აგრეთვე რასული სიამყე, რომელიც გამოიხატებოდა არაბთა რწმენაში, რომ ისინი წარმოადგენენ «ჩვეულ ერს». ამრიგად არსებობდა ყველა საჭირო ძლიერი ეროვნული ელემენტი, ოღონდ ჯერ კიდე არ შედუღებულიყო შეგნებულ ეროვნულ გრძნობაში.

ზოგ რამეში ისლამიც ეწინააღმდეგებოდა ნაციონალიზმს; მისი დებულება,—ყველა ქვეშაირიტი მორწმუნე ძმები არიანო,—და მისი პოლიტიკური მისწრაფება,—საერთო თეოკრატიული დემოკრატია,—ხელს უშლიდა, რა თქმა უნდა, დამოუკიდებელ ეროვნულ ერთეულების ჩამოყალიბებას.

მუსულმანთა შორის ნაციონალიზმი ვითარდება მე-19 საუკ. მეორე ნახევარში. ოსმალეთი პირველია, სადაც თავს იჩენს ნამდვილი შეგნებული ეროვნული მოძრაობა, რომელიც სარგებლობს ამისათვის ოსმალთა ერთგულობას დინასტიისადმი, მათ რასულს სიამაყეს და იმ გარემოებას, რომ ისინი სუვერენულად ბრძანებლობდნენ მრავალ ხალხებს, როგორც მუსულმანს ისე ქრისტიანს.

ამ სამოცი წლის წინად ოსმალეებმა თითქმის არა იცოდნენ რა თავიანთ წარსულის. მაჰმადის ცხოვრების წვრიმდანი უფრო აინტერესებდათ, ვიდრე ოსმალეთის ძლიერების სამს კონტინენტზე გავრცელება. გაჩნდნენ ნაციონალიზმის მქადაგებელნი, რომელთაც გადუშალეს თავიანთ მოძმეთ დიდებულ წარსულის ფურცლები და ამრიგად გაუღვიძეს სიამაყე და მომავლის რწმენა.

ასევე მოექცნენ ენას. არსებობდა ოფიციალური ენა, რომელშიაც არეული იყო არაბული, სპარსული



და თურქული, და ენა ხალხური. პირველი ჭრელი და მძიმე, თითქმის გაუგებარი მდაბიო ხალხისთვის, მეორე განუვითარებელი, კილოვანებად დაყოფილი. ნაციონალისტებმა დაამუშავეს ხალხური ენა და შექნეს მისგან ის საერთო ენა, რომელიც ხალხსაც კარგათ ესმის და მწერლობაც სმარობს.

ცხადია, თურქულ ნაციონალიზმს ხელს უწყობდა უმთავრესად დასავლეთის პოლიტიკური მიწოლა. რაც უფრო ემუქრებოდა ევროპა მის მიწა-წყლის მთლიანობას, მით უფრო თავგამოდებით იცავდა თავის დამოუკიდებლობას. ამრიგად შეიქმნა «ოტომანიზმი», ე. ი. ოსმალური ეროვნება, რომელშიაც ყველა მოქალაქეს, რა რჯულისა, რა ძირისაც უნდა ჰყოფილიყო, ოტომანების ოსმალთა ერქმეოდა, ყველანი თურქულს ილაპარაკებდნენ და ოსმალურ პატრიოტიზმით გაიმსჭვალებოდნენ.

რა თქმა უნდა ასეთი ნაციონალიზმი დასაწყისშივე შეეჯახა სხვა, მასზე ადრე გამჩინარ ნაციონალიზმებს, სახელდობრ ქრისტიან ხალხებისას. არც აბდულ-ჰამიდი უყურებდა ეროვნულ მოძრაობას კარგი თვლით, რადგან ცალკე თავის თვითმპყრობელობის შემავიწროებელ ძალას ხედავდა ამ მოძრაობაში და ცალკე პანისლამურ აზრის მოწინააღმდეგეს.

1908 წ. რევოლიუციამ გააბატონა ეროვნული პარტია, ახალგაზდა თურქები. მაგრამ ამათმა გადაწყეტებულმა ნაციონალისტებმა, მთელის ქვეყნის ერთბაშად გაოსმალების სურვილმა ზურგი შეაქცევინა სხვა ეროვნებათ მომხდარ რევოლუციისათვის, ხოლო ბალკანეთის საქრისტიანო სახელმწიფოთ მიზნები მისცა დასცემოდენ 1912 წ. ოსმალეთს.

ოსმალეთი იწყებს ნაციონალიზმის მეორე ხანაში, რასულში; გადასვლას, იწყება პანთურქული და პანთურანული მოძრაობა.

ცოტა ხანს უკან ოსმალელებს შემდეგ იწყება ეროვნული მოძრაობა არაბებში. ჩვენ უკვე ვიცით, რომ არაბები ვერ შეეთვისნენ თურქების ბატონობას და მუდამ დამოუკიდებლობაზე ჰფიქრობდნენ. გარდა იმ ღრმა განსხვავებისა, რომელიც არსებობს თურქისა და არაბის ხასიათში, ერთი ზედმეტი მიზეზი მათის შეურიგებლობისა და არაბთა მოძრაობისა ისიც იყო, რომ ამათის შეხედულებით თურქებმა შერყვნეს ისლამი. ვალაბისტების მოძრაობასაც უმთავრესად ეს აზრი ედო საფუძვლად.

არაბთა ეროვნული მოძრაობა 1860 წლის შემდეგ იზრდება უმთავრესად და უფრო კიდე 1877-78 ოსმალეთის რუსეთთან ომში დამარცხების შემდეგ. ოღონდ ამ დროინდელი სულთანნი აბდულ-ჰამიდი, რომელიც პანისლამურ პოლიტიკას აწარმოებს და სცილობს ამ ნიადაგზე არაბებსა და თურქებს შორის ერთობის ჩამოადგებას, ძლიერ ეფერება არაბებს, არ ეკოებს მათ უფროსებსა და წარჩინებულთ დასაუქრებას და მოწყალებას.

ეს ანელებს დროებით არაბთა ეროვნულ მოძრაობას, მაგრამ მე 19 საუკ. ბოლოს თავს იჩენს უკმაყოფილების ახალი ტალღა. იწყება დევნა და მრავალი ნაციონალისტი არაბი იძულებულია გაიხიზნოს, გახიზნულები თავს იყრიან ეგვიპტეში და

ჩქიდან ეწევიან სარევოლუციო პროპაგანდას. 1895 წ. პარიზში არსდება «არაბთა ეროვნული კომიტეტი». 1905-ში, ათის წლის თავზე, სდება ჰეჯასისა და იემენის აჯანყება, რომელიც ოსმალეთმა ვერა დროს ვერ ჩააქრო საბოლოოდ. ამ აჯანყების წყალობით დამარცხდა ოსმალეთი ტოიპოლიტიანსა და ბალკანეთში 1911 და 1912 წლებში.

1908 წ. რევოლიუციამ დიდი სიხარული აღძრა არაბებს შორის, — დესპოტიზმის გაუქმებამ დიდ იმედებს ამყარებდნენ. ოსმალეთის პარლამენტში, სადაც მრავალი დეპუტატი ყავდათ, საერთო სახელმწიფოში დარჩენას თანხმდებოდნენ, ოღონდ ავტონომიას მოითხოვდნენ. ახალგაზდა თურქებმა, რომელნიც ყველას გაოსმალებას ოცნებობდნენ, ცივი უარი უთხრეს. ამ გარემოებამ გააძლიერა სეპარატული მოძრაობა. აქამდის ოსმალეთის ფარგლებში თუ ემებდნენ დამოუკიდებლობას, ესლა ოსმალეთის არაბები უკავშირებენ თავიანთ საქმეს ეგვიპტესა და აფრიკეთის ჩრდილოეთისას და დიდ პანარაბულ სახელმწიფოს შექმნაზე იწყებენ ლაპარაკს. აქაც, როგორც ოსმალეთში, ნაციონალიზმი გადადის მეორე ფაზისში, რასულში.

ოსმალეთში, მიუხედავად პანისლამურ მოძრაობისა, რომელიც გააძლიერა 1911-12 წ. წ. ევროპიელთა აგრესიობამ, არაბებს შორის მაინც ღვივის ეროვნული მოძრაობა წინააღმდეგ იმ გასაოსმალებელ ზომებისა, რომელსაც აწარმოებენ ახალგაზდა თურქები. ისე იზრდება დამოუკიდებლობის მისწრაფება, რომ დიდის ომის დაწყებისას, ოსმალეთის არაბული პროვინციები სარევოლუციო ცეცხლით არიან მოდებული.

მართალია, «სამღვთო ომის» გამოცხადებამ, ერთის მხრით, ეგვიპტეს დაბრუნების და, მამასადა-მე, ოსმალეთის და ეგვიპტეს არაბთა გაერთიანების იმედმა, მეორეს, შეურიგა ოსმალეთს არაბთა საზოგადოებრივ აზრის ერთი ნაწილი, მაგრამ ომი გაგრძელდა და შეურიგებელმა ნაწილმა, რომელსაც ინგლისი უჭერდა მხარს; წამოჰყო თავი. და ამათ გაპყვა ოსმალეთის მთელი არაბეთი. მოკავშირენი ეროვნულ დამოუკიდებლობას დაჰპირდნენ, და არაბებმაც გაილაშქრეს ოსმალეთზე. და ეს შეიქმნა ოსმალეთის 1918 წ. დამარცხების უმთავრესი მიზეზი.

რამდენიმე სიტყვა აფრიკეთის გაარაბებულ ჩრდილოეთის ეროვნულ მოძრაობის შესახებ. აქ ყველაზე მნიშვნელოვანია ეგვიპტეს ეროვნული მოძრაობა.

ეგვიპტეს ხალხი დღესაც იგივეა. რაც ფარაონების დროს იყო. ფელახები, როგორც მათ უწოდებენ, მძიმე, თავისნება გლენობას წარმოადგენენ. ვინ არ ეპატრონებოდა ამ ნილოსის პირველ ხალხს საუკუნეთა განმავლობაში. — არაბები, ქურთები, ჩერქეზები, ალბანელები და თურქები. ესენი წარმოადგენდნენ მცირე რიცხოვან ზედაფენებს. ინგლისელების გაბატონებამდე მართვა-გამგეობა ამათ ხელში იყო. ამათ გარდა და გარდა ევროპიელებისა, რომელნიც განსაკუთრებულ პირობებში სცხოვრობდნენ, ე. ი. არ ემორჩილებოდნენ ადგილობრივ კანონებს და წესებს, იყო კიდე მცხოვრებთა ერთი ჯგუფი, — კობ-



ტები,—რომლებმაც არაბების ბატონობის დროს შეინარჩუნეს და ბოლომდე შეინახეს ქრისტეს რჯუ-ლი.

ასეთი ქვეყანა. სადაც უცხოთა ბატონობა ძვე-ლის ძველ ჩვეულებად გადაქცეულა, თითქო ვერა-ფერი ნიადაგია ეროვნულ მოძრაობის გასაჩენად. მე-ორეს მხრით, ეგვიპტე აღმოსავლეთის ყველა სხვა ქვეყნებზე უფრო განიცდიდა ევროპის გავლენას. თვით მმართველები ხელს უწყობდნენ ქვეყნის გავე-რობილებას, მაგრამ გავერობილება ფულს საჭი-როებდა, ფული სესხსა და ვალს ნიშნავდა, ხოლო ევროპიელებისაგან დავალიანება მათ შინაურ საქ-მეებში ჩამორევას. ამ გავერობილებამ გამოიწვია წინააღმდეგობა და ეს იყო პირველი ნიშნები ეგვიპ-ტურ ნაციონალიზმისა, მოძრაობა გაიხარდა და ერთ დღეს ჩამოყალიბდა დევიზად: «ეგვიპტე ეგვიპტე-ლებს».

ასე მოხდა წარსულ საუკუნის ოთხმოციან წლე-ბში. მას აქეთ ეროვნული მოძრაობა ეგვიპტეში მუ-დმივ ბრძოლაშია ინგლისურ ბატონობის წინააღ-მდეგ. გარემოებათა მიხედვით ამ ხნის განმავლობაში ხან ახდლიად სწარმოებდა, ხან მალულად, ხოლო თუ ღრმავდებოდა და იზრდებოდა, თორემ არას დროს არ ნელდებოდა.

ჩრდილოეთ აფრიკეთის ხალხები არ იჩენენ მა-ინცადამაინც ღრმა ეროვნულ გრძობებს.

ხმელთა შუა ზღვასა და სახარას შუა მოქცეუ-ლი აფრიკეთის ნაწილი უმთავრესად ბერბერებით არის დასახლებული. ბერბერები უფრო ევროპიე-ლების მონათესავე ხალხია, ვიდრე აფრიკეთის მკვი-დრნი; დიდათ უყვართ თავიანთი ენა და მტკიცედ ინახვენ თავიანთ ზნე-ჩვეულებათ, მაგრამ ამავე დროს თემებად დაყოფილთ ვერ შეუშუშავებიათ სა-ერთო ეროვნული წარმოდგენა და გრძობა.

არაბებისაგან ამ ათას ორასის წლის წინად ჩრდილო აფრიკეთის დაპყრობას მოჰყვა ბერბერე-ბის გამუსულმანება, ოღონდ ამ მოქცევამ ბერბერე-ბი ვერ აქცია არაბებად და ეს ორი რასა, მიუხედა-ვად ათასის წლის განმავლობაში არაბების ბატო-ნობისა, განსხვავებულნი დარჩა.

მაროკოს მხარე ყველაზე უფრო წყნარი იყო მუდამ, და რაც შეეხება სხვა ნაწილებს (ალჟირი, ტუნისი და ტრიპოლიტანა), აქ ევროპიელებს მხო-ლოდ ნავთსადგურები თუ ქონდა ნაპირებზე და შიგნით ადგილობრივი მოსახლეობა დამოუკიდებ-ლი იყო სრულებით. ამას გარდა აქ შემოვიდა საფ-რანგეთი, დაიპყრო ეს ქვეყნები (ალჟირი, მაროკო) და წესიერებასთან ერთად შემოიტანა მატერიალუ-რი კეთილდღეობა. მაგრამ ბატონობა მაინც ბატო-ნობაა და მან შექმნა მკვიდრთა შორის გაერთიანე-ბის სურველი და დამოუკიდებლობის მისწრაფე-ბა. გაჩნდა პოლიტიკური გაერთიანებანი «ახალგაზ-და ალჟირელი», «ახალგაზდა ტუნისელი», რომელ-თაც მეთაურებდნენ ევროპიულად განათლებული პიროვნებანი, მაგრამ ამ ორგანიზაციების ნამდვილი აზრი ალჟირელ და ტუნისელ ერების შექმნა კი არის, რამდენად ჩრდილო აფრიკეთის უფრო დიდს ერ-თეულისა, შეიძლება პანისლამურისა,

ასეთია პანისლამურ მოძრაობის პირველი ხანა არაბთა და გაარაბებულ ხალხთა ქვეყნებში.

სამუსულმანოში დაგვრჩა ერთი საყურადღებო ეროვნული ცენტრი, სპარსეთი. ეროვნულ მოძრაო-ბას ყველაზე უფრო აქ უნდა მოელოდეს ადამიანი, რადგან საუკუნეობია სპარსეთს აქვს ისეთი განვი-თარებული ეროვნული გრძობა, რომელსაც ახლო აღმოსავლეთის არც ერთს ხალხს არ ჰქონია.

მე-19 საუკ. სპარსეთი ისე დაკნინდა, რომ რუსე-თსა და ინგლისს იმპერიალისტური მადა გაუღვიძა. დაწინაურებული სპარსელები ხედავდნენ თავიანთ ქვეყნის დაცემას. დაიბადა რევოლუციური მოძრა-ობა, რომელიც მე-19 საუკ. დასაწყისში ბაბიზში გამოიხატა და 1908 წლის რევოლუციით დამთავრ-და. ამ რევოლუციის მოხდენას ხელი შეუწყო ინგ-ლის-რუსეთის შეთანხმებამ, რომლის თანახმად სპა-რსეთი გავლენის სფეროებად იყო გაყოფილი,— ჩრდილო სპარსეთი რუსეთის გავლენის სფეროში მოექცა და სამხრეთი—ინგლისისაში. მაგრამ, მეო-რეს მხრით, რევოლუციის მეორე საგანი იყო კაჯარ-თა უცხო დინასტიის გადადგება. კაჯარები შთა-მომავლობით თურქომანები იყვნენ. შინაურობაში თურქულ ენას ხმარობდნენ და არა სპარსულს; მათი მართვა-გამგეობა არას დროს არ იყო სახეირო სპა-რსეთისათვის. ამრიგად სპარსული რევოლუცია იყო ირანულ პატრიოტიზმის, სპარსულ ეროვნულ გრძობის აფეთქება გარეშე, დასავლეთის იქნებოდა თუ აღმოსავლეთის, გავლენათა წინამდებ. 1912 წ. რუსეთმა და ინგლისმა მოაღწვეს ეს მოძრაობა. ერთმა ინგლისელმა მწერალმა შენიშნა მაშინ: «საე-რთო დაღონებისა, დამსხვრეულ იმედებისა და დღე-ვანდელ სპარსეთში გამეფებულ ანარქიის პირდაპი-რი პასუხისმგებელნი რუსეთი და ინგლისია, და თუ ერთ დღეს ანგარიში მოეთხოვება ვისმე, სწორედ მთ მოეთხოვება».

6 ნოემბერი

(ჩვენი კვლავსაზღვრებისაგან)

დამთავრდა რაიხსტაგის არჩევნები—მეხუთე ამ წელიწადში:—13 მარტი (პრეზიდენტის), 10 აპრილი (პრეზიდენტის—საბოლოო), 24 აპრილი (პრუსიის), 31 ივლისი (რაიხსტაგის), 6 ნოემბერი (რაიხსტაგის II). შედეგი? მეტად არა-სასიხარულო: კიდევ უფრო და-სუსტდენ ვაიმარის კონსტიტუციის, რესპუბლიკა-ნური პარტიები;—დაჰკარგა სოციალდემოკრატიამ, დაჰკარგა ცენტრმა, დაჰკარგა კი არა სულ განადგუ-რდა სახელმწიფო (დემოკრატიული) პარტია. გაძლი-ერდენ: კომუნისტები, გერმანული ეროვნული (ჰუგენ-ბნერგი) და ეროვნული (შტრუენემანი) პარტიები. ეს უკანასკნელი ხომ თავის სახელოვან ლიდერის გარ-დაცვალების შემდეგ აშკარა რეაქციის გზას დაადგა. ერთად ერთი დამაკმაყოფილებელი ამ უკანას-კნელ არჩევნებში არის ძლიერი დამარცხება ნაციო-ნალ-სოციალისტურ პარტიისა, რომელმაც დაჰკარ-გა ორ მილიონზე მეტი ხმა და 34 მანდატი.—და თუ-



მცა ესლა არჩევნებში 37.162.000 მაგიერად (84 პრ.) 35.402.306 ქალმა და კაცმა (79 პრ.) მიიღო მონაწილეობა, შედეგი მაინც გამოხატავს დაახლოვებით იმ სულისკვეთებას, რომელიც ამ ხანად გამეფებულია გერმანელ ხალხში.

ფონ პაპენ-შლაიხერის მთავრობამ რაიხსტაგის დათხოვნით და ახალ არჩევნების დანიშვნით თავის უმთავრეს მიზანს მიაღწია: მოისპო ნაციონალ-სოციალისტების და ცენტრის უმრავლესობა ახალ პარლამენტში. ესლა გერმ. ეროვნულ პარტიის გამოკლებით—და ამ პარტიას ეყრდნობა ფონ-პაპენ-შლაიხერი—შეუძლებელია ახალი მთავრობის შედგენა.—კომუნისტ-ნაც.-სოციალისტების უმრავლესობის კი მათ არასდროს ჰქონიათ შიში.

გადავავლოთ თვალი არჩევნების შედეგს, რომ ნათლად წარმოვიდგინოთ მდგომარეობა. ნაციონალ-სოციალისტებმა მიიღეს 11.713.785 ხმა და 196 მანდატი (ივლისში 13.745.781 ხმა და 230 მანდატი), სოც.-დემოკრატებმა 7.237.894 და 121 მანდატი (ივლისში 7.959.712 და 133 მანდატი), კომუნისტებმა 5.974.209 და 100 მანდატი (ივლისში 5.282.626 და 89 მანდატი), ცენტრმა ბავარიის კათ. პარტიასთან ერთად 5.310.565 და 88 მანდატი (ივლისში 582.019 და 97 მანდატი), გერმ. ეროვნულ პარტიამ 3.064.977 და 51 მანდატი (ივლისში 2.177.414 და 37 მანდატი), ეროვნულ პარტიამ 660.092 და 11 მანდატი (ივლისში 436.012 და 7 მანდატი) და სხვ.

რას გვეუბნებიან ჩვენ ეს ციფრები?

ნაციონალ-სოციალისტური პარტია, არაბუნებრივად, შემადგენელ ნაწილთ ინტერესთა წინამდევობის მხედველობაში მიუღებლად ხელაფურად შეკაწიწებული, ირღვევა: ბურჟუაზიული ელემენტები უბრუნდებიან ბურჟუაზიულ პარტიებს, პროლეტარული (განსაკუთრებით დეკლასური) მიდის კომუნისტებთან. პიტოერს რჩება წვრილი ბურჟუაზია,—შპსიერი; და ეს პროცესი გაგრძელდება მანამდე, სანამ ეს ასე წოდებული «რასისტების» არმია, რომელმაც ფონ პაპენის მთავრობას გზა გაუკაფა და მოუშადა კომუნისტებთან ერთად, მინიმუმამდე არ დავა.

გერმანიის სოც.-დემ. პარტიის მიერ ხმების დაკარგვა და კომუნისტების გაძლიერება აიხსნება უმთავრესად იმ პოზიციით, რომელიც დაიკავეს პარტიამ და პროფეს. კავშირებმა ბერლინის ტრამვაი-ომნიბუს-მეტროს მუშა-მოსამსახურეთა გაფიცვაში. ისინი არ შეუშინდენ ნაც.-სოციალისტების და კომუნისტების დემაგოგიას, რომელთაც გაფიცვის მხოლოდ პოლიტიკური მხარე აინტერესებდა არჩევნების წინ, თვით საარჩევნო ხმების დაკარგვასაც არ მოერიდენ, სიმატლეს არ უღალატეს და ამიტომ, თუმცა ამ დროებით პოლიტიკურად წააგეს, მაგრამ მორალურად—და ეს არის სწორედ მომავალ მუშაობისათვის საჭირო—მოიგეს. თავის ჩარევით პარტიამ და პროფესიონალურმა კავშირებმა გამოასწორეს თითქმის მთლად წაგებული საქმე. ესლა გამოჩნდა ეს,—არჩევნების მეორე დღეს, როდესაც გაფიცვის ხელმძღვანელ კომიტეტმა (ნაც.-სოც. და კომუნისტების მეთაურობით) განკარგულება მოახდინა დაუ-

ყონებლივ შესწყვიტეთ გაფიცვა, ესლა მათ აღარ აინტერესებთ გაფიცვა:—მავრმა თავისი როლი შეასრულა. ქუჩაზე გამოყრილ მუშებზე, რომელთა რიცხვი ათასს აღემატება. აწ ისევ იმ სოც.-დემ. პარტიამ და პროფ. კავშირებმა უნდა იზრუნონ... ყველას სოც.-დემ. პარტია ჰყავს ამოღებული ნიშანში, რადგან ყველა გრძობს, ყველამ იცის, რომ მომავალი მისთვის მუშაობს—მისია.

ცენტრის მიერ ხმების დაკარგვა გამოწვეულია ამრჩევლთა შიშით, რომ ნაც.-სოც. პარტიის მასთან პოლიტიკურ მოლაპარაკებას რეალური ფორმები არ მიეცეს, საქმედ არ იქცეს. და ამგვარად შეიქნა მდგომარეობა, რომელიც ფონ პაპენ-შლაიხერის ნახევრად დიქტატორულ,—«პრეზიდიალ», მთავრობის პოზიციას უფრო ამაგრებს: ახალი მთავრობის შედგენის საქმე უფრო გაძნელებულია, და თუ ეს შესაძლებელი შეიქნა—მხოლოდ იმ პარტიის საშუალებით და დახმარებით, რომელსაც დღევანდელი მთავრობა ეყრდნობა... ბოლოს და ბოლოს პირებზე ხომ არ არის საქმე:—იქნება კანცლერი ფონ პაპენი, შლაიხერი, ფონ გაილი, თუ სხვა ვინმე ამ წრის, ამ სისტემის, რომელსაც გერმანელ ხალხის ცხრაშეათედმა უნდობლობა გამოუცხადა, ეს ხომ მდგომარეობას არ სცვლის... მაგრამ სწორედ ის უნდობლობა, რომელსაც ამ ცხრაშეათედშიც მაგრად აქვს ფესვები გადაგებული, აძლევს ერთმეთედვე დაყრდნობილ ჯგუფს იბატონოს, იბრძანებლოს...

ის, რაც ესლა გერმანიაში ხდება, მეტად დამაფიქრებელი, ანორმალური, საშიშია—საშიში არა მარტო თვითონ გერმანიისათვის, არამედ მთელ ევროპისათვის და ამით მთელ ქვეყნიერებისთვისაც, ასეთი აღვირ-წახსნილი ნაციონალიზმი, სიძულვილი პოლიტიკური მოწინააღმდეგის, შეურიგებლობა, რომელიც სხვათერ მოაზროვნის განადგურებას, დიას სიკვდილს ითხოვს და რომელსაც მოპირდაპირე ძალთა თითქმის თანასწორობა კიდევ უფრო აღრმავებს, წარმოუდგენელია დღეს რომელიმე სხვა, კულტურისა და ცივილიზაციის მატარებელ, ქვეყანაში. ჯერჯერობით ყველაფერი ეს დაგებულია... საჭიროა მალამო, საჭიროა გამოსავალი ორგანიზმის განკურნებისათვის.—და ეს მალამო, ეს გამოსავალი რესპუბლიკის კვლავ აღდგენაში, დემოკრატიის გამაგრებაში... თორემ დღევანდელი მდგომარეობა გერმანიაში ცუდის გარდა არაფერს უქადის გოეთესა, შილლერისა და ბეთჰოვენის სამშობლოს მომავალს შიგნით და გარეთ...

რავია საქმე?! რით აიხსნება, რომ არ იქნა და არ ეშველა არაფერი რესპუბლიკის სტაბილიზაციას, მის იდეის გამარჯვებას გერმანელ ხალხში?!.. ამას მშვენიერად ხსნის სოციალისტურ მეცნიერულ ჟურნალის «გუნელ შაფტის» მორიგ ნომერის მოწინავე-ში ნიჭიერი უბოლიცისტი გეორგ დეკერი. ის ამბობს: «გადატრიალება, რომელიც 1918 წ. გერმანიაში მოხდა, როგორც პროცესი არ იყო რევოლუცია... ძველი რეჟიმი არ დაცემულა აჯანყებულ ძალთა შეტევით, არამედ დაინგრა თავის თავად, როგორც ომში დამარცხებული. ამას მოჰყვა შედეგად სახელმწიფო-

ებრივი ფორმის შეცვლა, რაც დემოკრატიის დამყარებით დამთავრდა» ო.

არ შემიძლია აქვე არ მოვიყვანო ნაწყვეტი იმ მოგონებიდან, რომელიც რესპუბლიკანულ მწერალმა გეორგ ჰუნეუსმა პინდენბურგის 85 წლის თავზე «ფოსტის ციტირებაში» გამოაქვეყნა და რომელიც თავისებურად ხსნის, აშუქებს იმ მდგომარეობას, «რომ ამ ცამეტი წლის განმავლობაში დრო რესპუბლიკის წინააღმდეგ კუთხავდა». — «მრავალ სუფრის გარშემო ძველ ბერლინის ერთ კვამლიან რესტორანში ომის უკანასკნელი წლის ოქტომბრის პირველ რიცხვებში სხედან სოციალდემოკრატები — პარლამენტის წევრები და ჟურნალისტები. ეს რამოდენიმე დღეა ისინი მთავრობის პარტიას წარმოადგენენ. დემოკრატიულ კონსტიტუციის შემოღება მოკლე ხანის საქმეა. ისტორიული საათია დიდ პარტიისათვის. ისინი ბაასობენ ახლო მომავლის ამოცანებზე, უფროს რაუშერი (გერმანიის ელჩი საქართველოში, გარდაიცვალა შარშან) ყველაზე ახალგაზდა ამბობს: «მონარქია მიუღებელია, მეფე უნდა გადადგეს». ფრიდრიხ ებერტი აწყვეტინებს: «ეს შეხედულება ტიპიურია ინტელიგენტებისათვის, როგორც არიან ლედებური და ლიბერალური, რომელნიც ვერ იცნობენ მუშის ნამდვილ სულისკვეთებას»; — ებერტი ლაპარაკობს ირონიულად ახალგაზდობის გაუმაძღრობაზე და ბოლოს ამბობს: «რადგან ახლო მომავალს გერმანიისათვის კიდევ უფრო მეტი ტანჯვა, დამცირება და მძიმე ამოცანები მოაქვს. — საჭიროა ამ ხანად ძველი სახელმწიფოებრივი ფორმის, მონარქიის შენარჩუნება»... და როდესაც შაიდემანმა ერთი თვის შემდეგ რესპუბლიკა გამოაცხადა, ებერტი იყო რომ თავის მეგობარს მძიმე და მწარე საყვედურებით შეხვდა... სწორად განსჯერბა სიტუაცია ებერტმა. რაც არ უნდა მომხდარიყო, ახლო მომავალს გერმანელ ხალხისათვის მძიმე ტვირთის მოტანის მეტი არაფერი შეეძლო... და ეს ტვირთი ახალგაზდა რესპუბლიკას უნდა ეზიდა, — მთელი პასუხისმგებლობა მას უნდა აეღო თავზე?!... — გერმანელები ხომ მონარქისტები იყვნენ?!...» მდგომარეობის გამოსწორებას დრო და მტკიცე მიზანშეწონილი მუშაობა უნდა.. გერმანელებმა პირველის გამოყენება იციან და უკარგავად, მეორესი კი წარმართვა. — დამიანობამ უნდა გაიმარჯვოს.

ბ.—ანი.

ბერლინი 8 ნოემბერი 1932 წ.

პ რ ე ს ხ ა

«ბრძოლის ხმის» წერილს ანგორასა და მოსკოვის შესახებ ეხება მ. გ. რასულზადე გახ. «ისტორიკალ» ში: «თუმცა ჩვენ სრულიად არ ვიზიარებთ, სწერს ავტორი: ჩვენი ქართველი მოძმის შიშსა და მოსახზობას, რომელიც ანგორისა და მოსკოვის ურთიერთის დიპლომატიურ პატივისცემას მეტად გულითადს მნიშვნელობას აძლევს, მაგრამ არ შეგვიძლია არ გავიმეოროთ ერთი ფრიად მართალი დებულება, რომ «წყობილება მიდის, ქვეყანა კი რჩება».

უდავოა. თურქეთის რეალური ინტერესები დაბეჯითებით მოითხოვენ, რომ მის მეზობლად იყოს არა რუსეთი (რა სახისაც არ უნდა იყოს), არამედ დამოუკიდებელი კავკასიის რესპუბლიკები. კავკასიის თავისუფლება თურქეთის თავისუფლებაცაა. არ ვფიქრობთ, რომ ეს უთუო ჭეშმარიტება არ ესმოდეთ სახელმწიფო მოღვაწეებს, რომლებიც დღეს თურქეთს უდგანან სათავეში. ჩვენს აზრს ადასტურებს ის გარემოება, რომ სწორედ მოსკოვიდან დაბრუნების შემდეგ თურქეთი შევიდა ქენევის დაწესებულებაში. თუმცა უნდა დავსძინოთ, რომ უფრო ავტორიტეტული სიტყვა ამ საგანზე ეკუთვნის თურქეთის პრესას. ჩვენი სურვილია, რომ 1932 წ. ივლისის შემდეგ დადგეს ახალი ისტორიული ხანა, და როგორც თურქეთის მოღვაწეთა, ისე ლიგის და დიდ სახელმწიფოთა ხელმძღვანელთა გონებაში უფრო და უფრო გაღრმავდეს ერთმანეთის გაგება და შესაძლებლობა თანამშრომლობისა პოლიტიკურ და ეკონომიურ ნიადაგზე. თურქეთი განსაკუთრებულ გაჭირვებას განიცდის იმ კრიზისისაგან, რომელიც მთელს ქვეყანას მოედვა. ვალტაკებულები რუსეთი მას ვერ დაეხმარება. ხოლო ვიდრე თურქეთი პოლიტიკურად გადაბმული იქნება მოსკოვზე, დასავლეთის ეკონომიური დახმარების იმედი არ უნდა ჰქონდეს. ამავე დროს თურქეთთან შეთანხმება შემატება ევროპისთვისაც. როცა უკანასკნელს საფრთხე მოელოს ბოლშევიკებისაგან». ბოლოს ავტორი ასე ათავებს თავის წერილს: «ჩვენ სრულიად გვესმის მღელვარება ჩვენი ქართველი მაზობლების, რომლებიც ფიქრობენ, რომ თურქთა ძალა საბჭოების მხარეზე დადგა. ვიქნით იმედი, რომ თურქეთი რაკი ნაციონალიზმის წევრი გახდა, უფრო და უფრო დამტკიცებს თავის მოქმედებით, რომ მისი კავკასიელი მეზობლების შიში ნაადრევი იყო».

კვირას 11 დეკემბერს, ნაშუადღევს 3 საათზე Bagnaux-ს სასაფლაოზე გადახდილი იქნება სამოქალაქო პანაშვიდი ნოე რამიშვილის საფლავზე მისი გარდაცვალებიდან ორი წლის შესრულების გამო.



ს ა ქ ა რ თ ი მ ე ლ ო ს ა მ ბ ე ბ ი

(გუბნალ-გაზეთებიდან)

საქართველოს ცენტრალური არქივის და მუზეუმის დავალებით, ცენტრარქივის თანამშრომელმა ბოჭორიძემ გამოიკვლია ძველი მესხეთის ტერიტორია. ნაპოვნია 8 ქვა მხატვრული რელიეფებით, რომელსაც აკუთვნებენ ჩვენი ხალხის მე 6, 7 და 8 საუკუნეებს. მე-6 საუკუნის რელიეფები უფრო ძველია, ვიდრე ჯვარის რელიეფები (მე-7 საუკუნის დასაწყისი), რომლებიც დღემდე ითვლებოდა უძველესად.

ერთ-ერთ ქვას, რომელიც მოქცეულია ვარძიის მონასტრის კედელში, აქვს მწერალ იოანე შავთელის (შოთა რუსთაველის თანამედროვე მწერალი) წარწერა. აღმოჩენილია აგრეთვე ხელთნაწერი წიგნები, ერთი მათგანი, რომელიც ეკუთვნის 1328 წელს, დაწერილია პერგამენტზე. სხვა წიგნები დაწერილია უფრო გვიან. განსაკუთრებულ ყურადღებას იპყრობს ხელთნაწერი სომხურ-ქართული ლექსიკონი, რომელიც ერთად ერთია ასეთი ლექსიკონებს შორის. ყველა წიგნი მოტანილია საქართველოს ცენტრარქივში. რელიეფებიდან გადაღებულია ფოტოგრაფიები.

— მოსკოვის დიდი თეატრის სამხატვრო საბჭომ მოისმინა ზ. ფალიაშვილის ოპერა «აბესალომ და ეთერი» და გადაწყვიტა, ოპერა შეტანილ იქნეს დიდი თეატრის ფილიალურ განყოფილების რეპერტუარში და დაიდგას მიმდინარე ხეზონშივე.

«აბესალომ და ეთერი» შარშან დადგეს ხარკოვის თეატრში და ოთხი თვის განმავლობაში წარმოადგინეს 23 ჯერ. აპირებენ მის დადგმას კიევიშიც. გარდა ამისა უცხოეთიდან, კერძოდ გერმანიიდან მოუთხოვნიათ «აბესალომ და ეთერი», «დაისი» და «შოთა რუსთაველი».

— ამ. კავკასიის სამხარეო კომიტეტმა დაითხოვა ბიუროს შემადგენლობიდან მამია ორახელაშვილი, გ. ყურულაშვილი და შუნიატ-ხადე. ორახელაშვილს ჩამოართვეს პირველი მდივნობა და მის ალბანს დანიშნეს ლ. ბერია, რომელიც ამავე დროს დარჩება საქართველოს კომ. პ. ც. კომიტეტის პირველ მდივნად.

ამ. კავკასიის სამხარეო კომიტეტში შეიყვანეს ალ. სვანიძე, რომელიც დაინიშნა აგრეთვე ამ. კავკასიის სამხარეო კომისართა საბჭოს თავმჯდომარის პირველ მოადგილედ. კომიტეტის ბიუროს წევრებად დანიშნეს პ. აღნიაშვილი და მ. ბაგიროვი, ხოლო კანდიდატათ ალ. სვანიძე.

საქართველოს კომ. პ. ცენტრ. კომიტეტმა მეორე მდივნობა ჩამოართვა პ. მელაძეს და მის მაგიერ დანიშნა პ. აღნიაშვილი.

— 1934 წ. ტფილისში გაიმართება მთელი მსოფლიოს პრესის გამოფენა. პირველი ეტაპი გამოფენისა—84 ვიტრინა—უკვე წელს მოეწყობა და გაიხსნა.

ქართველები საზრახვეთში

ოქტომბრის 23 შესდგა საფრანგეთში მყოფ ქართველთა ასოციაციის სხდომა 1924 წ. აჯანყებაში დახრილობა ხსოვნის აღსანიშნავად. ასოციაციის თავმჯდომარემ ბ. გიორგი ყურულმა წარმოსთქვა სიტყვა აჯანყების მნიშვნელობაზე, დაახასიათა ქართველი ერის ის ხანგრძლივი ისტორიული ბრძოლა, რომელსაც იგი ეწეოდა როგორც ომიმ, ისე აჯანყებით, და იმედი გამოსთქვა, რომ ამ მეტობლი ერის განთავისუფლება აღარ დაყოვნებს.

შემდეგ ბ. დავით ვაჩნაძემ წაიკითხა თავის მოგონებანი ხევსურეთის აჯანყებაზე (1922 წ.) ანუ უფრო სწორად რომ ვსთქვათ, ამ აჯანყების მომზადებაზე, და განსაკუთრებით შეჩერდა იმ გეგმაზე, რომ-

ლითაც პოლკ. მუსხელიშვილი და მისი თანამაზრენი აპირებდნენ მოქმედებას. ეს შეთქმულება ჩიშალა, მისი მთავარი მოწაწილენი დახვრეტილ იქმნენ, და ის იმედი, რომ საქართველო განთავისუფლდებოდა მაშინდელი პირობებში იოლად, გაქარწყლდა. მომხსენებელი ამაში ბრალს დებს მაშინ მოქმედ ძალთა დაქსაქულობას და აქედან დღეისთვის გაკვეთილს იძლევა, ძალთა გაერთიანება—იყო მისი მოხსენების დევიზი.

კოლონიის საქმეებზე ილაპარაკა ბ. თავმჯდომარემ. მან კრებას მოახსენა, თუ რას აპირებს კოლონიის გამგეობა, გადაუშალა კრებას ის გეგმა, რომლითაც გამგეობა აპირებს მუშაობას. გეგმა თავისთავად ყველასათვის მოსაწონი და მისაღებია, მაგრამ კოლონიას არ აქვს მატერიალური საშუალება მის განსახორციელებლათ, და მის მუშაობას განსაკუთრებით ხელს უშლის უბინაობა. ამიტომ გამგეობამ მოუწოდა წევრებს, გადაიხადონ საწევრო გადასახადი და აღძრან შუამდგომლობა მთავრობის წინაშე დახმარებისათვის. კრებამ ეს მოსახრება გაიხიარა. გამგეობას დაავალა აგრეთვე თვითონ შეადგინოს «უმუქევათა დამხმარე კომიტეტი». და მოიწვიოს იქ წევრებათ ისეთი პირები, რომელნიც ამ მუშაობისათვის გამოსადევი იქნებიან.

N.

ქართველები გერმანიაში

11 სექტემბერს ბერლინის ქართველ საზოგადოებამ გამართა სამგლოვიარო კრება 1924 წლის აჯანყების მერვე წლის თავის აღსანიშნავად. წარმოითქვა დღის შესაფერი სიტყვები. ხალხი მრავლად დაესწრო.

30 აგვისტოს აქ მოეწყო საღამო ილია ჭავჭავაძის ტრალიკულად გარდაცვლის 25 წლისთავის აღსანიშნავად. საღამოს გამმართველთა სახელით მრავალრიცხვოვან კრებას შესავალ სიტყვაში მისეალმა აქაურ ქართველობის უხუცესი ბ. გრ. დიასამიძე დაკარგად ჩამოსხმულ სიტყვაში დაახასიათა ილიას მოღვაწეობა: მწერლის, საზოგადოებრივ მუშაკის, ადამიანის. შემდეგ ილაპარაკეს: დ. ლამბაშიძემ, ტ. მარგველაშვილმა, მ. წულუკიძემ, გ. გელაზანიამ და ნ. ნაკაშიძემ.

ამას წინათ აქაურ ქართველ კოლონიის საზოგადო კრებაზე მოხსენება გააკეთა თურქესტანის განმთავისუფლებელ კომიტეტის თავმჯდომარემ ბ. მუსტაფა ჩოკაიმი. მეტად საინტერესო და შინაარსიანი მოხსენება ბ. ჩოკაიმ დაამთავრა მოგონებებით საქართველოზე, სადაც ის კარგა ხანი ცხოვრობდა ჩვენი დამოუკიდებლობის დროს.

ამ მოკლე ხანში მოხდებოდა ქართველ საზოგადოების წლიური კრება, რომელმაც უნდა მოისმინოს გამგეობის და სარევიზიო კომისიის მოხსენება. შემდეგ მოხდებოდა ახალი გამგეობის და სარევიზიო კომისიის არჩევნები.

აზერბეიჯანელთა შორის

წერილები რედაქციის მიმართ

გამოვიდა აზერბეიჯანული გაზეთ «ისტოკალ»-ის მეთორმეტე ნუმერი. მოწინავე წერილში მ. ე. რასულ-ხადე არკვევს კავკასიის ერთა მთლიანობის საკითხს და მის აუცილებლობას და გარდაუვალობას. ავტორი ასახელებს «მუსავატის» პარტიის კონგრესის, და აზერბეიჯანის მთავრობის დადგენილებათ 1919 წ. და საქართველოს მთავრობის თავმჯდომარის ნ. ქორდანიას წერილებს, აშუქებს კავკასიელთა ერთობის იდეას წარსულში და განმარტავს, თუ რატომ ვერ განხორციელდა ეს იდეა მაშინ: რუსეთის კლანჭები-საგან განთავისუფლებული კავკასიის ერები მეტად გატაცებულნი იყვნენ ეროვნული ენტუზიაზმით, საკუთარი მეობის გრძობით და გარდა ზოგ შორს-მკვრეტელ პოლიტიკოსისა არავინ ხედავდა შეკავშირების საჭიროებას. მაგრამ ბოლშევიკურმა ტერორმა და სისხლიანმა რეჟიმმა ბევრი რამ ასწავლა კავკასიელებს და საერთო ბრძოლამ რუს ბოლშევიკების წინამდევ შეაკავშირა მეზობელი ერები და გამოჰქედა მთლიანი ფორტი. რასულ-ხადე კმაყოფილებით აღნიშნავს, რომ აზერბეიჯანელი გლეხი თანამშრომლობს დღეს არა თუ თავის ერთმორწმუნე ჩრდილო-კავკასიელთან, არა თუ თავის მუდამ კეთილ მეზობელ ქართველთან, არამედ სომხის ხალხთანაც, რომელთან ჯერ კიდევ გუშინ მტრული დამოკიდებულება ჰქონდა. «გადიიერება და გაღრმავება იდეოლოგიური იმ ერთობისა, რომელიც შექმნა კავკასიის ერების საერთო ბრძოლამ რუს ოკუპანტების წინამდევ,—არის სასიცოცხლო საჭიროება და მოვალეობა ყველა კავკასიელისა», სამართლიანად დაასკვნის ავტორი და არ შეგვიძლია, ჩვენც არ შევეუერთდეთ მის აზრს.

გაზეთის ამ ნუმერში მოთავსებულია სხვათა შორის კავკასიის კონფედერაციის პაქტი, მდგომარეობა საქართველოში, აზერბეიჯანში, ჩრდილო კავკასიაში და სხ.



უკრაინელთა შორის

უკრაინის სხვადასხვა ქალაქებში დაატუსაღეს მრავალი მუშა, სამხედრო პირი, ოფიცერი, რომელთაც აბრალებენ სტალინის საწინამდევო ოპოზიციის მოწყობას. გამოცემული იყო არალეგალურად პროკლამაციები ამ სათაურით: «ძირს დიქტატორი სტალინი!» სტალინის პოლიტიკა გაკოტრდა და უნდა გადადგეს.

— სტამბოლში გამოვიდა თურქულ ენაზე წიგნი უკრაინელ ჟურნალისტის მურსკის «შინაგანი სახე ახალი რუსეთისა». წიგნს დართული აქვს ყირიმის ეროვნულ მოძრაობის მეთაურის სეიტაჰმედ ბეის წინასიტყვაობა, სადაც გარკვეულია წიგნის მნიშვნელობა, რომელიც პასუხია ამას წინად გამოსულ თურქულ ბოლშევიზანურ წიგნისა «ახალი რუსეთის».



I.

ულრმეს მადლობას ვსწირავ ყველა იმათ, ვინც კეთილ ინება და ჩემი მძიმე ავადმყოფობის დროს, ნახვით თუ წერილობით, ჩემთვის მეტათ გამამხნეველები თანამგრძობობა გამომიცხადეს.

ს. ასათიანი.

II.

ნება მიბოძეთ «დამოუკ. საქ.» საშვალეებით მადლობა გამოუცხადო ყველა იმ ნაცნობთ და მეგობრებს. რომელთაც აქ მე და იქ სამშობლოში ჩემი დამწუხრებელი ოჯახი გვანუგვეს უდროვით დაკარგული ჩემი ქალის თამარის გარდაცვალების გამო.

კვლია ბანაბისძე ნიქარაძე.

III.

უმორჩილესად გთხოვთ დაუთმოთ ადგილი უახლოეს თქვენ ნომერში, შემდეგ მიმართვას ოდენკურის ასოციაციისა მის ყოფილ წევრებისადმი, რომლებიც წავიდნენ ოდენკურიდან ისე, რომ თავიანთი ვალი ასოციაციის რესტორანის არ გადაუხდიათ, მათ შორის სამწუხაროდ არიან ზოგიერთები, რომლებმაც რამდენიმე წელია რაც დასტოვეს ოდენკური და არავითარ ცნობებს არ იძლევიან თავიანთი ვალის გადახდის შესახებ.

ასოციაციის გამგეობა საზოგადო კრების დადგენილების თანახმად, რომელიც მოხდა ამ წლის 15 ოქტომბერს, აფრთხილებს მათ, აცნობონ გამგეობას ამ წერილის გამოქვეყნების შემდეგ ერთი თვის ვანმავალობაში თავიანთი მისამართი, და აგრეთვე შეატყობინონ მას, როდის, და რა წესით აპირებენ თავიანთი ვალის გადახდას. წინააღმდეგ შემთხვევაში მათი სახელი და გვარი იქნება გამოქვეყნებული გაზეთში და, შემდეგ მიღებული სათანადო კანონიერი ზომები, რათა საზოგადოების ინტერესები იქნეს დაცული და ვალები იძულებითი საშუალებით გადახდილი.

ოდენკურის ასოციაციის გამგეობის დავალებით გამგეობის მდივანი—სილა ქურძიე.

IV.

ნიკოლოზ ივანეს ძე კალანდარიშვილი მცხოვრებნი (1921 წლამდე) ქალაქ ბათუმში, გასულა საზღვარ გარეთ 1921 წელს, მსახურებდა საზღვარ გარეთ წასვლის დროს გემ «გედზე» რომელიც ეკუთვნოდა ვინმე ივერიკო მიქელაძეს, მოიწერა უკანასკნელად სტამბოლიდან, სადაც აღნიშნავდა, რომ მიდის გერმანიაში უმაღლეს სასწავლებელში შესასვლელათ, ბერლინში ან ჰამბურგში. მას შემდეგ მისმა მშობლებმა არავითარი ამბავი აღარ იციან. ვთხოვთ ყველა იმათ, ვინც რაიმე იციან ამ ნიკოლოზ კალანდარიშვილის შესახებ, გვაცნობონ შემდეგი მისამართით:

Philippe Loria
Praha Smichov Sokolska ul. c. 6.
Tchecoslovaquie.